

# Hibru Kimbi

## Kunön Hibru yengöra Kimbi alök.

### Jim-asa-asari

Jisösnön Suepnön öngöi miangö andöne yambu 35 miangö dop teköiga azi kun qetni qahö mötzini, yañön Kimbi ki ohoba Juda urumelen ambazip yengören alök. Juda yañön Hibru (kian) keu jigerangöra qetnini Hibru qetket. Tosatjan Juda urumelen ambazip mi sesewerowo gwötpuk ak engigetka Jisösgö köna diñdiji mosötpingö mötmöriba Juda yengö köna walje dumje kunbuk aṅgotpingö mötket. Köna walji mi Köna keugö kapaṅkölköl.

Kimbi kiangö keu kötni 3 mi kewö:

1. Jisös, Anutugö Nahönji yañön sihimbölo ketani möta mewö miañön Iwiñi tem kölmamgö könañi mörök. Miangöra Suep garata, Moses aka kezapqetok ambazip pakpak engongita öngöngöñi akza.

2. Anutunön Jisös kuṅguiga nalö teteköñi qahö jike nup galömnini bohönji aka malma. Nanji sepi mokoyöhangöra jöwöwöl ohohonön teköiga jike nup galöm tosatni yengöra qahö osibin.

3. Urumelen neñön Jisös möt nariinga siṅgisöndoknini mosöta amöt qem nengiba kömupnöhök meköm nengiga keṅgötnini qahö mötzin. Jike nup walji mi imutimut ewö aiga megetka Jisösnön amötqeqegö könañi ölni indela nanji jöwöwöl ohoho ewö akṅgöra al aṅguyök.

Mötnarip ambazip ketani yengö silikṅinangö kösohotni mi teteköñe (Boñ 11) ohoba mötnaripṅinan söroraubapuköra kewö kuṅgum engiza, “Sesewerowo ak engigetka miangö sihimböloni mi mönö kapaṅ köla mökösongda möta Jisösbuk luhut alme.” Buk kiangö qambañi aka galöm meme keuñi mi nahömṅambuk.

### Buk kiangö bahönji bohönji 10 mi kewö:

Keu mutukñi: Kraistnön Anutugö könañi indel teköyök 1.1-3

Kraistnön garata pakpak engongitza 1.4–2.18

Kraistnön Moses aka Josua etkongitza 3.1–4.13

Kraistnön jike nup galöm pakpak engongitza 4.14–7.28

Kraistkö jöhöjöhö arenji mi jöhöjöhö aren walji ongitza 8.1–9.28

Kraistkö sep busuŋan jöwöwöl pakpak engonggita 10.1-39  
 Mötnarip mi yuai mutukŋi aka bohonŋi 11.1-12.29  
 Ahakmemeninan Anutu uru ölöwak mem wangime 13.1-19  
 Köuluk teteköŋi 13.20-21  
 Uruwahöt keu aka yaizözkök keu teteköŋi 13.22-25

---

### **Anutunöŋ Nahönŋi melaiiga keuŋi indelök.**

**1** <sup>1</sup> Anutunöŋ mönö möpŋangö möpŋeyök könahiba köna murutŋi murutŋi wuatangöba keuŋi indelmamgö mörök. Mewö möta keuŋi nalö gwötpuk kezapqetok ambazip yengö uruŋine aliga aukŋe jigetka ambösakonurupninan möta mala kotket. <sup>2</sup> Mewö mala kotketmö, nalö teteköŋe malinga kewöŋe mönö Nahönŋi melaiiga keuŋi indela aukŋe jiiga mörin. Nahönŋi yaŋön Iwiŋi bauköiga Suep gölme aka mietkö öroyuaiŋiri pakpak miwikŋaiyo-hotka Nahönŋan nalö teteköŋe yuai pakpakö Toŋi akŋapkö jim teköi malja. <sup>3</sup> Anutugö kaisongolomŋan Nahönŋi ahöm wanggiiga eta kondelök. Anutugö asakmararaŋan mönö i kuŋguiga biliksik aliga imutimut ewö ehin. Siŋgisöndoknini köl könjörat teköbagun mönö Suep mire öngöba dumŋi memba Öngöŋgöŋamninangö böröŋi ölŋe tatza. Miangöreŋ tata Suep gölmegö öroyuai pakpak mi keuŋi kukösümŋambuknöŋ bisiba galöm köla malja.

### **Anutugö Nahönŋan Suep garata engonggita.**

<sup>4</sup> Anutunöŋ Nahönŋi qet wanggiiga mianŋön mönö Suep garata yengö qetŋini ongita aködamunŋambuk akzawi, miangö dop Nahönŋan Suep garata engonggita ketaŋamŋini aiga nembö bapŋe malje. <sup>5</sup> <sup>a</sup> Anutunöŋ nalö kunöŋ Suep garataurupŋi yengöreŋök kungöra keu kewö qahö jiyök,

“Göŋön nöŋgö Nahöni aknöŋga nöŋön merak göhö Iwigi akzal.”  
 Mewöyök keu kun kewö jii ahöza, “Nöŋön yangö Iwiŋi akiga yaŋön nöŋgö Nahöni akŋa.”

<sup>6</sup> <sup>b</sup> Keu mi dumŋe kunbuk Nahönŋi mutukŋi jim teköiga gölmenöŋ etmamgö ahöhi, nalö miangöreŋ mönö qeljiŋe kewö jiyök, “O Suep garataurupni, iŋini mönö körek pakpak yangö waikŋi memba möpöseiba malme.”

<sup>7</sup> <sup>c</sup> Suep garata yengöra keu kewö jii ahöza, “Anutunöŋ mönö garataurupŋi mem letot enggiiga luhut ewö aka anda kame. Welenqeŋeurupŋan mönö letota könöp bölam ewö aka anda kame.”

<sup>8</sup> <sup>d</sup> Yengöra mewö jiyökmö, Nahönŋangöra keu kun kewö jii ahöza, “O Kambu, göŋön mönö jakömbuak dum tatatke nalö teteköŋi qahö tat

---

<sup>a</sup> 1.5 Sum 2.7; 2 Sml 7.14; 1 Hist 17.13    <sup>b</sup> 1.6 Dut 32.43    <sup>c</sup> 1.7 Sum 104.4    <sup>d</sup> 1.8-9 Sum 45.6-7

öngöman. Öröpki kukösum-ḡambuk miaḡön qindinaim nenḡinöḡga ahakmeme diḡdinan mönö bemtohonḡahö muḡgemḡi aka ahöm öḡgöma.

<sup>9</sup> Göḡön ahakmeme solanḡanḡöra ak gihiiga ahakmeme goḡgoḡanḡöra irimḡi seholiiga kazik aka mala kotnöḡ. Miaḡgöra göhö bemḡi Anutu yaḡön mönö al gihiiga alaurupki enḡonḡita sösonḡai kelöknöḡ gömirii maljan.”

<sup>10</sup> “Nahönḡanḡö keuḡi kun mi kewö, “O Kembu, göḡön könäkönahinḡe gölmegö tandöḡi kuḡgunöḡga Suepkö jakenḡi jakenḡi mienḡön mönö göhö börösöwöḡi akze.

<sup>11</sup> Suep gölme pakpak mienḡön opo maluku ewö walḡi aka ayapkömemö, göḡön mönö köhöiba kin öḡgöman.

<sup>12</sup> Möki köpeimakzini, göḡön mönö miangö dop suep ehkeḡi mi opo söro jöhözin ewö köpeim enḡinöḡga letotme. Yuaḡi pakpak utekömapmö, göḡön mönö tandök mohot miyök aka yambugi (yaragi) teteköḡi qahö mal öḡgöman.”

<sup>13</sup> fAnutunöḡ nalö kunöḡ Suep garataurupḡi yeḡgöreḡök kungöra keu kewö qahö jiyök, “Göḡön mönö kaba böröni ölnḡe tatnöḡga nöḡön mönö tuarenḡonurupki nalö sutḡi kiaḡgöreḡ tim tötal enḡibiga et enḡuiga göhö könagahö döpnḡi aketka köiraḡ albin.”

<sup>14</sup> Nahönḡanḡöra keuḡi keuḡi mewö jiyökmö, Suep garata i mönö ninḡa akze? Körek yeḡön Anutugö welenqeḡe uḡaurupḡi akze. Mewö aka ambazip oyaenḡkoyaen buḡa qem anḡumei, i bauköm enḡimegöra melaim enḡii malje. Mewö.

### Urunini qahö meḡenḡbinbukö galöm meme keu

**2** <sup>1</sup> Miaḡgöra Buḡa keu mörini, mi mönö törörök möt asaribingö kapaḡ köla kezap alme. Gölmönöḡ malmalgö inḡi me waiḡi kunḡan nenḡuanḡiri laḡ anda kaba liklak malbin ewö, mönö Jisösgö amötqeḡe nupḡi onḡita öne mala ayuhubinbuk. <sup>2</sup> Keu mi kewö jim tuarimam: Mutuk Suep garata yeḡön Buḡa keu jigetka ambazip jöhöm enḡii malget. Mewö mala denike yeḡön Köna keu qahö tem köla selḡi walönḡeri, Anutunöḡ mönö körek yeḡö keuḡini diḡdinanök jim teköba likepnḡi meḡen enḡii lömböt qakḡine öḡgöi mala kotket.

<sup>3</sup> Yeḡön lömböt miwikḡaigetka nenḡön mewöḡnanök akzin ewö, lömbötköra mönö denöwö ölnḡ kölbinak? Amötqeḡe nup ketanḡi mi nesampurek qakḡe nönnöḡan akin ewö, mönö lömbötnöhök ölnḡ kölbingö osibin. Kembunöḡ könahiba amötqeḡegö könanḡi indeliga tosatḡan keu mi jitḡeyök möta nanḡöba jim köhöigetka sehiba dop köl nenḡiyök. <sup>4</sup> Mi nanḡöba jim köhöigetka Anutunöḡ yembuk mohotḡe kinda keuḡini nanḡöba jiiga anḡöletot aiwesök könanḡi könanḡi mi kukösumḡinambuk

<sup>e</sup> 1.10-12 Sum 102.25-27 <sup>f</sup> 1.13 Sum 110.1

asuhugetka Uña Töröñi mokoba jitsihitnangö dop mendeniga dop köl neñgiyök. Mewö.

**Jisösnöñ datnini aka Suepnöñ nenguangitmamgö mötza.**

<sup>5</sup> Suep gölme dölökñi asuhumegö keuñi jimakzini, Anutunöñ nini miangöreñ Suep garata nembö bapñine malbingö areñi qahö ala jim kutuyök. <sup>6</sup> Mewö qahöpmö, keu mi kunñan nangöba jiiga Buña Kimbigö kembrañi kunöñ kewö ahöza, “Gölme azinöñ mönö niñia aiga i mötmörim wangimакzan? Suep gölmegö azi ölnan mönö niñia aiga i köyan kölakzan?

<sup>7</sup> Göñön i memba et al wanginöñga nalö töröpñi Suep garata yengö nembö bapñine eta eretñi aka malök. Mali wangitnöñga asakmararañnöñ öngöiga kösatorom ila jalö wanginöñga aködamunñambuk aka qetbuñañambuk malja. Mewö mala öroyuai pakpak galöm köla malja.

<sup>8</sup> Börösöwögi pakpak mönö yangö jimkutukutunangö bapñe malmegöra memba et al enginöñga malme.”

Keu miangö dop yuai pakpak mi yangö kukösum bapñe malmegöra memba et al engiba miangöreñ yuai kun qahö mosöriga yangö keunangö bapñe qahö ahöbawak. Areñ mewö alökmö, nalö kewöñge börösöwöñi pakpak mi yangö kukösum bapñe memba et al engii tem kölakzeangö dop qahö engehakzin.

<sup>9</sup> Mewö qahö engehakzinmö, Jisösnöñ mönö kewö letota mali ehakzin: Kömupkö sihimbölöñi möröhangöra Anutunöñ wangiri asakmararañnöñ öngöiga kösatorom ila jalö wangiiiga ehinga aködamunñambuk aka qetbuñañambuk malja. Anutunöñ kalem möriamñi kondel nengimamgö möta körek nengöra aka kömupkö sihimbölöñi mötmapkö jim teköyök. Miangöra memba et al wangiiiga nalö töröpñi Suep garata yengö nembö bapñine eta eretñi aka malök. Mewö malökmö, nalö kewöñge qetbuña öngöñgöñi memba malja. <sup>10</sup> Anutunöñ mönö öroyuai pakpakö könañi akza. Yañön körek nini nanñi möpöseim wangibingöra aka miwikñaim nengiiiga maljin. Yañön ambazip sehisehiñi nenguangiri asak-mararañnöñ öngöbingöra mötza. Mewö möta amötqeqeninangö Tonji mi qahö angön köliga sihimbölö möta mewö miangön nupñi mi mem teköi asakmararañi pakpak miwikñaimapakö möri dop kölök.

<sup>11</sup> Kunöñ mem sarahim nengimakzawi aka ambazip sarakñi ahakzini, körek nengö kondotkondot Toninan mönö mohot akza. Miangöra Jisösnöñ qetnini “Alaurupni,” mewö qetmamgö gamuñi qahö mötza.

<sup>12</sup> <sup>h</sup> Könaninangöra Buña keu kun kewö jii ahöza, “Nöñön mönö göhö qetki mi nani alaurupni yengöra qet asarim engiba urumelen könagesö sutñine kinda möpöseim gihimakñam.”

<sup>s</sup> 2.6-8 Sum 8.4-6 <sup>h</sup> 2.12 Sum 22.22

<sup>13</sup> Mewöyök miangö Buja keunji kun kewö jii ahöza, “Nöñön mönö mötnaripni Anutugöreñ ala malmam.” Dumje kunbuk miangö Buja keunji kun mi kewö jii ahöza, “Mötnöñ, ni aka Anutunöñ nahönbörat ningiyöhi, neñön mönö ki maljin.”

<sup>14</sup> Kunöñ mem kömum neñgimamgö kuknji memba maljawi, Jisösnöñ mönö i tulumgöi gemapköra aka kömumba miangön luhut alök. “Bölöñangö Toñi tulumgömam,” jiba ambazip sep busuni-nambuk maljini, miangöra yañön mönö mewöyök nembuk tandök mohot miyöhök gölme azia ahök. <sup>15</sup> Ambazip malmalñini gölmenöñ maljeangö dop kömumbingö keñgötñinan jöhöm engii mala kotkeri, mi mönö körek pösat engii solanimegöra aka gölme azia ahök. <sup>16</sup> Suep garata köyan köl engimapköra gölme azia qahö ahökmö, Abrahamgö gwölönarökurupñi nini möt angön köla bauköm neñgimakñapköra mönö mewö ahök.

<sup>17</sup> Könañi miangöra aka yañön öroyuai pakpak miangöreñ alaurupñi nembuk tandök mohot miyöhök ahök. Jike nup galömnini bohonñi aka nupñi nömtik memba ak kömum neñgiba malmapköra mönö nembuk tandök mohot ahök. Tandök mohot akagun mönö ölop jitñememenini aka jike galöm bohonñangö nupñi memakza. Mi memangöra siñgisöndokninañgö töwañi ala Anutugö jeñe mi köl könjörarök. <sup>18</sup> Gölme azia aiga esapköm wañgigetka nanñak sihimbölö möta malöhi, miangöra ambazip esapköm neñgimakzei, nini mönö ölop bauköm neñgimakña. Mewö.

### Jisösnöñ Moses ongita öngöñgöñi akza.

**3** <sup>1</sup> Miangöra urumelen alaurupnini sarakñi, Suep Tojan engoholi nembuk kambu mohot maljei, eñön mönö urumötmötnini pöndañ Jisösgöreñ ala malme. Anutunöñ i melaiiga aposol aka jike nup galömnini bohonñi akzawi, yañgöra mewö jim miwikñaimakzin. <sup>2</sup> Mosesnöñ Anutugö könagesöñi pakpak mi memburikñi qahöpmö, pöndañ galöm köl engiba malök. Miangö dop Jisösnöñ mewöyök kun kuñgum wañgiyöhi, yañgö keunji (misila) törörök wuatangöba memburikñi qahöpmö, pöndañ nömtik memba malök. <sup>3</sup> Miri aka azi miri meyöhi, mi kewöt etkiinga mitimqege azigö qetbuñan mönö mirigö qetbuñi gwötpuk ongitzä. Miangö dop Moses aka Jisös kewöt etkiinga Jisösgö asakmararañi öngöñgöñan mönö Moses gwötpuk ongitzä. Könañi mewö eka miwikñaimakzin.

<sup>4</sup> Miri pakpak mi kungö börösöwöya akzemö, yuai pakpak mi mönö Anutugö börösöwöñi akza. <sup>5</sup> Mosesnöñ Anutugö könagesöñi pakpak mi memburikñi qahöpmö, pöndañ welen qem engiba malök. Mewö mala Anutunöñ könangep azi kungöra jiyöhi, mönö keu miangö söpsöpñi

<sup>1</sup> 2.13 Ais 8.17, 18    <sup>2</sup> 3.2 Jan 12.7

mi qeljine indela dangunuja kinök. <sup>6</sup>Mewö kinökmö, Kraistnön mönö Anutugö Nahönji aka Iwiñangö keuji (misila) nömlik memba könagesöñi pöndañ galöm köl neñgiba malja. Anutugö könagesöñi mi neñön akzin. Oyaenköyaen akingö jörömqöröm aka mianggöreñ qekötahöba silenini memba öngöba awösamkakak kin köhöim teköbin ewö, mönö Anutugö urumelenj könagesöñi aka malbin. Mewö.

### Yangiseñ aka malbinbukö galöm meme keu

- <sup>7</sup><sup>k</sup>Mianggöra injini mönö Uja Töröñan keu kewö jimakzawangö dop akñe, “Dölkewöñe Anutunöñ engghola keuji sañep ali mötze ewö,
- <sup>8</sup> uruñini mönö mötmöt bölöñan kude gwözöñme. Engö ambösakonurupñinan gölme qararañkölkölñe kaba nalö kunöñ Anutu qetala esapköm wangiba karim akeri, injini mönö mianggö dop Anutu qetala akepek.
- <sup>9</sup> Yeñön gölme qararañkölkölñe kaba Anutu ni esapköm niñgiba malget. Angöletot aka memba malali, injini mi yambu (yara) 40 mianggö dop eka mala mi töndup ni qahö möt narim niñgigetka urunan böliiga malal.
- <sup>10</sup> Mianggöra ambazip kambu nalö mianggöreñ gölmenöñ malgeri, yenggöra aka irimni seholiiga kewö jial, ‘Yeñön mönö sundan uruñinan kahapmahap aka janjuñ anakze. Malmalgö köna kusum enggiba malalmö, mi qahö möt kutuget. Qahö!’
- <sup>11</sup> Mewö jiba irimsesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al enggialmö, yeñön mönö oyaenköyaen mianggöreñ qahö angotme.’ ”
- <sup>12</sup> O urumelenj alaurupni, injini mönö kewögöra galöm mem anguba malme: Enggöreñök kungö uruñan gonggiiga mötnaripñan sörauba eri Anutu malmal Toñi andö qeba malbapuk. <sup>13</sup>Mewö qahöpmö, singisöndokö isimkakalekñan tilipköm enggi miangön enggöreñök kungö uruñi gwözöñbapuköra mönö silim dop sutñine uru kungum anguba malme. “Merak” keu mi jimakzini, mianggö dop mönö jölöngöm anguba malme. <sup>14</sup>Nini Kraist möt angön köla yambuk kambu mohot aka maljin. Mutuk urunini melenja uruyahöt yaköriba awösamkakak miwikñaiba malini, mewö gölmenöñ malbinangö dop kapañ köla köhöiba kinbin ewö, mönö oyaenköyaen akin.
- <sup>15</sup> <sup>l</sup>Buñ keu mi kunbuk jiba kewö ohozal, “Merak Anutunöñ engghola keuji sañep ali mötze ewö, uruñini mönö kude gwözöñme. Engö ambösakonurupñinan Anutu qetala karim akeri, injini mönö Anutu mianggö dop qetala akepek.”

<sup>k</sup> 3.7-11 Sum 95.7-11    <sup>l</sup> 3.15 Sum 95.7-8

<sup>16</sup> <sup>m</sup>Ambazip denike yeŋön Buŋa keu möta Anutu qetala karim aket? Mosesnön könagesö enguangiri Ijpt mosöta kageri, yeŋön mönö körek mewö aket. <sup>17</sup>Ambazip denike yeŋgöra aka yambu (yara) 40 miangö dop irimŋi seholiiga kazik ak engii malget? Ambazip siŋgisöndok aketka mem kömum engii sileŋinan gölme qararaŋkölkölŋe eta kölgeri, yeŋgören mönö mewö asuhuyök. <sup>18</sup>Luainön luhut memba malmegö areŋ ala nanŋini gölmeŋine kude aŋgotmegö keuŋi jim kutuba jöjöpäŋ keuŋan jöhöyöhi, keu mi mönö dagöra jiyök? Ambazip keuŋi qetala yangiŋeŋ malgeri, mi mönö yeŋgöra aka jiyök. <sup>19</sup>Keu miangö könäŋi mi kewö ek asarizin: Yeŋön Anutu qahö möt nariba yangiŋeŋ akeräŋgöra aka nanŋini gölmeŋine aŋgotpingö osiget. Mewö.

**Anutunön könagesöŋi sonda kendon neŋgima.**

**4** <sup>1</sup>Anutugören aŋgota luainön luhut memba malbingö keu jöhöyöhi, keu miangön mönö pöwöwöm köhöikŋi ahöm neŋgiza. Miangöra engörenök kunŋan löwöriba nanŋi Suep köna ananŋi mi kembraŋe kutui mewö miwikŋaim wangibinbuk. Miangöra mönö sutnine galöm mem aŋgubin. <sup>2</sup>Gölme qararaŋkölkölŋe kagetka Ölöwak Buŋa jim asarim neŋgiget ewö jiget mötketmö, keu mi mönö silesile mötketka uruŋine qahö geyök. Miangöra mötnariŋini qahö qiwikŋaiiga tönpin öne malgetka qahö bauköm engiba pömsöm qeyök. <sup>3</sup>Urunini melaŋda möt nariba maljini, neŋön mönö Anutugören aŋgota luhut memba oyaenköyaen malbin, mi mötzin. Anutunön miangö Buŋa keuŋi mi kewö jii ahöza, “Mewö jiba irimsesewöl qakŋe keuŋi jim kutuba jöjöpäŋ keuŋan mi jöhöba kewö jial, ‘Luhut memba malmegö areŋ al engialmö, yeŋön mönö oyaenkö-yaen miangören qahö aŋgotme.’” Anutunön Suep gölme miwikŋaim etkii nalö miangörenök könahiba oyaenköyaen miriŋan lök memteköteköŋi ahözapmö, töndup keu mewö jiyök. <sup>4</sup>Anutunön silim 7:ŋangö keuŋi jiiga Buŋa Kimbigö kembraŋi kunön kewö ahöza, “Sömaŋi 7 aiga Anutunön nupŋi pakpak mem teköyöhangö luhut memba kendon tarök.” <sup>5</sup>Anutunön Buŋa keu mi toroqeba kewö jii ahöza, “Luhut memba malmegö areŋ al engialmö, yeŋön mönö oyaenköyaen miangören qahö aŋgotme.”

<sup>6</sup>Ambazip tosaŋan Anutugö oyaenköyaen miwikŋaiba luhut memba malmei, keu miangön mönö pöwöwöm köhöikŋi ahöm neŋgiza. Ölöwak Buŋa mutuk könagesö jim asarim engigeri, yeŋön mönö qeqetalŋinangöra aka oyaenköyaenön qahö aŋgota luhut qahö meget. <sup>7</sup>Luhut qahö megerangöra aka Anutunön mönö kunbuk nalö kun ala qetŋi Nalö dölkwöŋi qerök. Nalö köröpŋi teköiga nalö miangö Buŋa keuŋi dölki jiba

<sup>m</sup> 3.16-18 Jan 14.1-35    <sup>n</sup> 4.3 Sum 95.11    <sup>o</sup> 4.4 Jen 2.2    <sup>p</sup> 4.5 Sum 95.11    <sup>q</sup> 4.7 Sum 95.7-8

ohozali, mi mönō Deiwidkörēn indeli kewō jiyök, “Dölkewōrē Anutunōn enggohola keunī saŋep ali mötze ewō, urunīni mönō kude gwözōrme.”

<sup>8</sup> Mewō jīga Josuanōn enguanḡiri oyaenḡkoyaenḡnōn ḡgota luhut membeak ewō, Anutunōn mönō nalō kungō keunī mi könḡnep qahō jibawak. <sup>9</sup> Mi qahō jibawakmō, Anutunōn mönō ölnḡ könagesō luhut meme nenḡii oyaenḡkoyaen miwikḡaibin. Keu mianḡn mönō pōwōwōm köhöikḡi ahōm nenḡgiza. <sup>10</sup> \*Mianḡö könḡni kewō: Anutunōn nanḡi nupḡi meyōhanḡö luhut memba kendon tarōhi, mianḡö dop kunōn Anutugō oyaenḡkoyaenḡnōn ḡgota luhut memawi, yaḡnōn mönō nanḡi nupḡi meyōhanḡö luhutḡi mi mewōḡanök memba oyaenḡkoyaen malma. <sup>11</sup> Mianḡöra nini mönō Anutugō oyaenḡkoyaenḡnōn ḡgota luhut memenḡi miwikḡaibingō kapḡn kölbīn. Engōrenḡök kunōn et qeba könagesō walḡi yenḡö qeqetal tandökḡini miyōhök wuatḡḡöbapukōra mönō kapḡn kölbīn.

<sup>12</sup> Anutugō keunī mi memḡuliguligō könḡni aka kukōsum-ḡambuk akza. Bimḡō sou ketḡni mi likep likep jītḡirambuk akzapmō, Anutu keunḡḡö jītḡan mönō sou ketḡni pakpak engḡḡita jīt kötök aiga jītḡi bahōbahō mi maunḡambuk akzahot. Keu mianḡn mönō uru uḡanini kutuba ömenōn me Anutugō Uḡanḡan inahōm nenḡimakzawi, mi undenḡa kunḡum nenḡimakza. Sile kitip toroqeqenini aka sihitninanḡö digonḡi mi mewōyök kewōta (keunini asa-asambötḡi miwikḡaiba) ölöḡḡi aka bölōḡi mendenḡ etkimakza. Urukōnmnini aka mötkutukutu areḡnini mi kewōta keunini jīm tekōmakza.

<sup>13</sup> Anutunōn yuai pakpak miwikḡaii ahōzawi, mianḡörenḡök yuai kun mi asa-asambötḡe qahō ahōiga ölöḡḡanök ehakza. Yuai kun esuhuinga Anutunōn esunini mi ölöḡ lulunḡa ehi yanḡö jemesoholḡe aukḡeyök ahōza. Ahakmemeninanḡö kösohot pakpak mi mönō yanḡöra jīm asaribinanḡö dop akzin. Mewō.

### **Jisōsnōn jike nup galōmnini öḡḡöḡḡöni akza.**

<sup>14</sup> Jisōsnōn jike nup galōm bohonḡi öḡḡöḡḡöni ak nenḡgiza-wanḡöra aka nenḡn “Möt narim wanḡizin,” jiba jīm miwikḡaimakzini, mianḡören mönō köhöiba kinbin. Jisōs Anutugō Nahōnḡan mönō Suep jakenḡi jakenḡi engḡḡita öḡḡöba tatza. <sup>15</sup> Urumötmötnini tosatḡan lölöwörōḡi aketka jike nup galōm tosatḡan mianḡöra wösömötmöt qahō ak nenḡimakzemō, nanine jike nup galōmninan mönō qainḡi kun kewō akza: Yanḡn mönō nini ewō ahakmeme pakpak mianḡören nembuk tandök mohot esapköm wanḡiba malgetmō, mi töndup siḡisöndok kun qahō ahök.

<sup>16</sup> Jike galōmninan mönō eu kalem möriamḡö dum tatatḡe tata ak kömum nenḡimamḡö mörakza. Mianḡöra mönō awösamkakak qakḡe

<sup>r</sup> 4.8 Dut 31.7; Jos 22.4    <sup>s</sup> 4.10 Jen 2.2

kinda yangö kösutje anbin. Yangö kösutje aninga kalem möriamgöra osizini, miangö nalö diɗɗiɗe mönö baukôm nenngiiga mi ölop miwikjaibin. Mewö.

**Galôm bohonini Jisösnöŋ mönö baukôm nenngimakza.**

**5** <sup>1</sup>Gölmegö jike nup galôm bohonŋi pakpak mi ambazip sutjineyök möwölöhöm engiba nup kewö memegöra kuŋgum engimakzin: Yanŋön ambazip jitjememenini aka Anutubuk urumohot aka malbingö nupŋi memba ŋiŋgisöndok ahinaŋgö sömbup kalemŋi kalemŋi mi Anutugöra ala mianŋön jöwöwöl ohomakza. <sup>2</sup>Nanŋi urumöt-mötŋi tosatŋan mewöyök lölö-wöröŋi akza. Miangöra ambazip gukmaulem qakŋe janjuŋ ahakzei, mi ölop wösömötmöt qakŋe ak nenngimakza. <sup>3</sup>Lölöwöröŋi akza-waŋgöra mönö nanŋi ŋiŋgisön-dokŋi aka könagesöurupŋi yengö ŋiŋgisöndokŋini mewöyök köl könjoratmapköra sömbupnöŋ jöwöwöl ohomakza. <sup>4</sup>Kunŋan qetbuŋa mi nanŋaŋgöra qahö buŋa qem aŋgumapmô, Anutu-nöŋ Aron oholohi, miangö dop mönö i mewöyök oholja.

<sup>5</sup>Miangö dop Kraistnöŋ mewöyök nanŋak jike nup galôm bohonŋi akŋapakö qetbuŋaŋi mi nanŋaŋgöra qahö buŋa qem aŋguyökmô, Anutunöŋ kewö jim kutum waŋgiyök, “Göŋön nöŋgö Nahöni aknöŋga nöŋön mönö merak göhö Iwigi akzal.”

Keu miangö dop jike nup galôm bohonini ahök.

<sup>6</sup>“Keu miyöhök jii Buŋa Kimbigö kemaŋi kunöŋ kewö ahöza, “Göŋön mönö Melkizedek ewö jike nup galôm aka nalö teteköŋi qahö mal öŋgöman.”

<sup>7</sup><sup>x</sup>Jisösnöŋ silebuk gölmenöŋ mala miangöreŋ mönö nalöŋi nalöŋi köuluköba köhöikŋanök qeriga imbilŋan eri Anutu kömupnöhök mekömapkö köhöiyöhi, i qesim waŋgiba malök. Qesim waŋgiba mala Anutu göda qeba keuŋaŋgö bapŋe al aŋguba malöhaŋgöra Anutunöŋ köulukŋi mörök. <sup>8</sup>Nahönŋi ahökmô, Anutunöŋ mi töndup sihimbölö qahö jöhöi qakŋe öŋgöi möta miangöreŋ temkölkölgö könäŋi miwikjaiba möt soroköyök. <sup>9</sup>Mi möta aködamunŋi pakpak miwikjaibagun mönö oyaenŋoyaen teteköŋi qahö malbingö kondotkondot Toŋi ahök. Miangöra ambazip yangö jitŋi tem köla maljei, mi pakpak mönö ölop kondot engiiga oyaenŋoyaen akŋe. <sup>10</sup>Toŋi mi aiga Anutunöŋ i Melkizedek ewö jike nup galôm bohonŋi akŋapakö jim teköba al waŋgiyök. Mewö.

**Mötnariipkö ölni sohobapukö galôm meme keu**

<sup>11</sup>Keu mi ölop toroqeba gwötpuk jim qaribinakmô, enŋön keu möta wuatangöbingö taŋqaŋ aka gaunjeje akze. Miangöra mi jim asarim

<sup>t</sup> 5.3 Lew 9.7   <sup>u</sup> 5.4 Eks 28.1   <sup>v</sup> 5.5 Sum 2.7   <sup>w</sup> 5.6 Sum 110.4   <sup>x</sup> 5.7 Mat 26.36-46; Mak 14.32-42; Luk 22.39-46

engibingö osikosi akzin. <sup>12</sup>¶Inini nalö köröpñi könagesö walñi mala ölop nalö kewöñe lök böhi qaqazu akñeangö dop akeakmö, nanñinak Anutugö keu kötñi mutukñi mi kunñan dumñe kunbuk kusum engimapkörä osimakze. Inini mönö qaköba Buña keu mi juzu ewö nemingö mötze. Nene köhöikñi ewö mi nemingö osimakze. <sup>13</sup>Kunñan mi juzu ewö nemba maljawi, yañön mönö toroqeba morösepsep ewö akza. Anutugö jeñe solanñi akingö keu kusum engiñmö, yañön miangö könäñi qahö möt kutuba tönpin malja.

<sup>14</sup>Morösepsep ewö maljapmö, nene köhöikñi mi ambazip mötmötñinan qariyöhi, mönö yeñön nemegöra aka ahöza. Ambazip Buña keu sundan köl guliba malgetka urumötmötñinan lök möñaiiga ölop amqeba silik pakpak kewöta ölopñi aka bölöñi mendenj etkiba ölopñi wuatangömakze. Nene köhöikñi mi yengöra aka ahöza.

**6** <sup>1</sup>Miangöra Kraist könäñangö keu kötñi mutukñi lök möta miangören mönö kude qaköbin. Mewö qahöpmö, mönö toroqeba qariba aködamuninambuk akingö kapañ köla malbin. Mötnaripkö tandöñi lök kuñguba mi mönö dumñe kunbuk könahiba kuñgubinbuk. Tandö mi uruñine kewö kuñguin: Ahakmemenini köhömuñi mosöta urunini melejda Anutu möt narim wañgiin.

<sup>2</sup>Urunini melejninga mötnaripkö keu kempañi kempañi kewö kusum nengigetka mörin: Singisöndoknini köl könjöratmegöra o melun aka amötqege könäñi könäñi miengö könäñini kusum nengiget. Böröñini qaknine alalgö könäñi kusum nengiget. Guliba kömupnöhök wahötpingö könäñi kusum nengiget. Anutunöñ keunini jim teköi teteköñi qahö köhöikñi ahömapkö könäñi kusum nengiget. <sup>3</sup>Mötnaripkö tandöñi mewö kuñgubagun mönö toroqeba möt qaribingö mötzin. Anutunöñ ösum-mumu nengimakzawangö dop mönö aködamunini pakpak miwikñaibingö kapañ köla kinbin.

<sup>4</sup>Mewö kinbingö möta miangören qaköba etpinbuköra aka kinjin. Ambazip kewöñi mi uruñini melejmegöra enguangitpingö osimakzin: Tosatñan uruñini nalö kunöñ asariiga Anutunöñ Suep kalemñi engii möta söñgaigetka Uña Töröñan ösupköm engii malget. <sup>5</sup>Anutu Buña keuñangö nahömñi mötketka oyaenköyaen nalö könäñepñangö kukösumñan mönö uruñine gei mötket. <sup>6</sup>Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk melejmegöra enguangitpingö osimakzin. Yeñön Anutugö Nahönñi ilita dumñe kunbuk maripomnöñ qege ewö memba et ala aukñe gamu qem wañgimakze. Mewö miangön mönö nanñini geñmororoñ ak angumakze.

<sup>7</sup>Mi söpsöp keu kiangö dop: Kienöñ nalö gwötpuk yöhöba gölme qakñe eta uruñe geba gölme mem kelöriga nup toñangö welenqequeurupñan

nene kömötketka Anutunöŋ gölme kötuetköiga ölni asuhui kölkömöt toni yeŋön mi memba köweŋine alakze. <sup>8</sup> Mewö alakzemö, koururuk aka siriuret wahiŋambuk miaŋön gölmenöŋ asuhuba wahörakzawi, gölme miaŋön mönö nesakŋi akza. Toni yeŋön mi saikböbingö mötze aka kapan köla mambötketka ölni qahö asuhui eka teteköŋe mönö kungugetka jema.

<sup>9</sup> O wölböt alaurupni, neŋön söpsöp keu mewö jizinmö, mi töndup inini uruŋini melenŋa malmeaŋgöra mönö uruyahöt qahö akzin. Engö uruŋine Buŋa keugö ölna mönö asuhum qarimapköra möta awösamkakak kinjin. Anutunöŋ ölni mi eka mönö meköm engii letota Suepnöŋ öngöme. <sup>10</sup> Anutunöŋ mönö ekbonep qakŋe gongonŋi qahö akza. Inini Anutugö ambazip sarakŋi bauköm engiba mala kota toroqeba bauköm engiba nup memba malakze. Mewö urukalemŋini Anutu kondel waŋgigetka qetbuŋaŋan qarimakzawi, yaŋön nupŋini aka urukalemŋini miaŋgöra mönö qahö ölum qeiga kitipŋi melen engima.

<sup>11</sup> Nini oyaenŋkoyaen akingö jörömqöröm aka miaŋgöreŋ awösamkakak uruyahöt qahö kinmegö sihimnini möta kewö awöweŋgömakzin: Inini nanŋök nanŋök Anutugö urukönöp ahakzei, miyöhök mönö toroqeba kondela malme. Aködamun-ŋinambuk akingö kapan köla gölmenöŋ mal tekömeaŋgö dop miaŋgöreŋ mönö kude löwörime. <sup>12</sup> Qölzöm akepeköra mönö awöweŋgömakzin. Anutunöŋ oyaenŋkoyaen yuai neŋgimamgö keu jöhöyöhi, tosatŋan Anutu möt nariba sihimbölöŋini möta mökösoŋda mewö miaŋön mi buŋa qem aŋgumakze. Inini yeŋgö silikŋini wuatangömegöra mötzin. Mewö.

### **Anutugö jöhöjöhö keu mi uruyahötŋi qahö.**

<sup>13</sup> Anutunöŋ Abraham jöhöjöhö keu waŋgiba mi nanŋi qetŋi qeta jöjöpaŋ keuŋan jim köhöiyök. Kunöŋ Anutu oŋgita öngöngöŋi malbawak, ölop yaŋgö qetŋi qetpawakmö, mewöŋi kun qahö maliga miaŋgöra mönö nanŋi qetŋi qeta jöjöpaŋ keuŋi jiiga köhöiyök. <sup>14</sup> <sup>a</sup> Jöhöjöhö keuŋi mi Abrahamgöra kewö jiba jiyök, “Nöŋön mönö ölna kötuetköm gihimam. Mönö ölna gwölönarök gihibiga sehime.”

<sup>15</sup> Mewö jiiga Abraham yuai waŋgimapkö keu jöhöi ahöyöhi, yaŋön mi ölnambuk akŋapkö kapan köla mamböta mala ölni buŋa qem aŋguyök. <sup>16</sup> Ambazipnöŋ ketaŋamŋinaŋgö qetŋi qeta jöjöpaŋ keu jiget mörakze. Jöjöpaŋ keuŋinan keu jizei, mi mem köhöiiga qeapköbingö osigetka keu jijiŋinan teköza. <sup>17</sup> Miaŋgö dop Anutunöŋ keuŋi Abrahamgö gwölönarökurupŋi neŋön mötpingöra jöhöba jiyök. Keu areŋi mi kunöŋ qeapköba utekömamgö osizawi, gwölönarökurupŋi neŋön jöhöjöhö keu miaŋgö könani mi törörök möt yaköbingö mörök. Miaŋgöra jöhöjöhö keuŋi jiiga mutukŋi aiga keu mi kunbuk jöjöpaŋ keuŋan jim köhöiiga indimŋi yahöt ahök.

<sup>z</sup> 6.8 Jen 3.17-18    <sup>a</sup> 6.14 Jen 22.16-17

<sup>18</sup> Anutunöŋ keu mi jiba miangö munen jimamgö osiyök. Yanön keu utekutekŋi qahö mi jibagun jim köhöiyöhi, miangön mönö urunini nangömapkörä mörök. Miangöra mi jibagun jim köhöiyök. Neŋön gölmegö ahakmeme bölöneyök ölöŋ köla Anutugöreŋ angota oyaenköyaen nengimapkö jörömqöröm nengiyöhi, mi mönö töp memba mamböta maljin. <sup>19</sup> <sup>b</sup> Oyaenköyaen akingö al mamböta miangö uruyahötŋi kun qahö ahakzin. Jörömqörömnini miangön uruninangö kösö mendanŋi tandök ewö aka nini Jisösbuk jöhöm nengimakza. Jörömqörömninangö kösö mendanŋi köröpŋi miangön mönö nengöreŋök könahiba Suep jikegö uruŋe öngöba jike oleni yahötkö sutŋire opo sel ahözawi, mi mewöyök kutuba toroqeba Jisös jakömbuak dum kömbukŋe tatzawangöreŋ anja. <sup>20</sup> <sup>c</sup> Jisösnöŋ mönö jitnememenini aka mutuk euyangöreŋ öngöba jakömbuak dumŋi memba nalö teteköŋi qahö tat öngöma. Mewö Melkizedek ewö jike nup galömnini bohonŋi aka malja. Mewö.

#### Jike nup galöm Melkizedekö kösohot

**7** <sup>1</sup> <sup>d</sup> Melkizedek azi mi miri qetŋi Salem miangö kiŋ kembuŋi aka Anutu öngöngöŋangö jike nup galömŋa malök. Mewö maliga Abrahamnöŋ kiŋ kembuŋi kembuŋi bim qeba luhut al engiba lilingöba miriŋe kayöhi, nalö miangöreŋ kaba Abraham miwikjaiba kötuetsköm wangiyök.

<sup>2</sup> Kötuetsköm wangii ga sukinapŋi pakpak mendenä ten miengöreŋök mohot mohot (1/10) memba nalukŋa al wangiyök. Melkizedek qet miangö könäŋi mi “ahakmeme solanangö kiŋ kembuŋi.” Qetangö dop mutuk “ahakmeme solanangö kiŋ kembuŋi” ahök aka toroqeba mewöyök “Salemgö kiŋ kembuŋi” malök. Salemgö kiŋ kembu qet miangö könäŋi mi “luaigö kiŋ kembu”. <sup>3</sup> Melkizedeknöŋ iwinamŋi aka saiwaurupŋi qahö, ahuahu nalöŋi qahö aka kömukömuŋi qahö. <sup>e</sup> Mewö jike nup galöm bohonŋi aka nalö teteköŋi qahö mal öngöma. Yanön Anutugö Nahönangö tandök ewö akza.

<sup>4</sup> Bömönjalönini Abrahamgö gödaqeŋe silikŋan Melkizedekö könäŋi kondeli mi kewö ek asarime: Abraham nanŋak sukinap yuai aködamunŋambuk kalöpköba memba kayöhi, miengöreŋök börö yahöt (10) pakpak kewöta bahöŋi mohot memba Anutugö nalukŋa al wangii miangöra Melkizedeknöŋ mönö ölhä öngöngöŋi ketanŋi qainŋi kun akza. <sup>5</sup> <sup>f</sup> Anutunöŋ Köna keuŋan keu kewö jim kutum nengii ahöza, “Liwaigö gwölönarökurup al engigetka jike nup meme azi (Liwait) aketka könagesö eŋön mönö sukinapŋini börö yahöt (10) pakpak kewöta miengöreŋök

<sup>b</sup> 6.19 Lew 16.2   <sup>c</sup> 6.20 Sum 110.4   <sup>d</sup> 7.1-2 Jen 14.17-20   <sup>e</sup> 7.3 Buŋa Keunöŋ Melkizedekö iwinamŋi aka saiwaurupŋi, ahuahu aka kömukömu nalöŋi mi qahö jim asariza.   <sup>f</sup> 7.5 Jan 18.21

bahöni mohot memba Anutugö naluha al engimakŋe.” Yeñön inini ewö Abrahamgö gwölönarökurupŋi akzemö, mi töndup nanŋini könagesöurupŋini engö böröŋineyök naluknini mi buŋa qem angumakŋe.

<sup>6</sup>Jimkutukutu keu mewö ahözapmö, Melkizedeknön Liwaigö gwölönarökŋi kun qahö akza. Mi töndup Abrahamnön Anutugö jöhöjöhö keu möt angön köla mala sukinapŋi kewöta tenöhök mohot memba Anutugö nalukŋa alöhi, mi mönö buŋa qem anguba kötuetköm wangiyök. <sup>7</sup>Ketanamninaŋgö nembö bapŋine maljini, yeñön mönö kötuetköm nenŋigetka maljin. Keu mi qan kölbingö osimakzin.

<sup>8</sup>Könagesö nenñon tenöhök mohot memba Anutugö naluha alakzini, mi gölmegö jike nup meme (Liwai) ambazipnön buŋa qem angumakze. Yeñön gölmenön mala kömumakzemö, Suep mire euyangören kungöra naŋgöba jigetka köhöiba mal öngömaw, yañön mönö mi buŋa qem angumakza. <sup>9</sup>Abrahamnön sukinapŋi kewöta börö yahöt (10) pakpak mieŋgörenök bahöni mohot memba Anutugö nalukŋa alöhi, yañön mi gwölönarökŋi Liwaigöra mewöyök qeljine alök. Mewö jiinga ölop dop kölbowak. Nalö kewöŋe tenöhök mohot memba Anutugö nalukŋa alakzini, mi bömönni Liwaigö gwölönarökurupŋan buŋa qem angumakze. <sup>10</sup>Liwaigö salupŋe mewöyök naluk alöhi, miangö könaŋi kewö: Liwainön amböŋaŋgö körö uruŋe tariga Melkizedeknön mönö nalö miangören kaba Abraham miwikŋaiyök. Mewö.

### **Melkizedek mi Jisösgö söpsöpŋi akza.**

<sup>11</sup>Anutunön Köna keuŋan Israel ambazip jim kutum nenŋiiga miangö dop Liwai kambunöhök azi kuŋgum engiinga jike nup galömnina aket. Nup mi megetka mewö miangön aködamunini pakpak miwikŋaibinak ewö, nini mönö jike nup galöm qainŋi kungöra qahö osibinak. Nup miangö ölŋan qahö dop kölöhaŋgöra aka Jisösnön mönö Melkizedek ewö asuhuyök. Ambazipnön i Arongö areŋaŋgö dop qahö kuŋgugetka asuhuyök. <sup>12</sup>Jike nup galöm nupŋaŋgö könaŋan uteközawi, nalö miangören köna keuninan mönö mewöŋanök uteköza. <sup>13</sup>Jike nup galöm qainŋi kun keu mi Kembuninaŋgöra jizinmö, yañön Liwai kambunöhök qahöpmö, mönö kambu kunöhök asuhuyök. Kambu miangö azi kuŋŋan mönö jöwöwöl jikegö altanön kinda nup qahö memba malök. <sup>14</sup>Kembuninan Juda kambunöhök asuhuyöhi, keu mi aukŋe ahöza. Mosesnön Juda kambu yeñön jike nup galöm kölmegö keu kun qahö jiyök.

### **Jike nup galöm Melkizedek ewö kun**

<sup>15</sup>Miangöra jike nup galöm kun Melkizedekö tandök ewö asuhuzawi, miangön mönö keu jizinaŋgö ölŋi mi aukŋeyök kondeliga dopŋe akza.

<sup>16</sup>Yañön gölme ambazipnön Köna keu wuatangöba kambuŋaŋgö dop jim

kutugerangöra aka jike nup galöm qahö ahökmö, malmal köhöikni qahö ayapkömawi, miangö kukösumñan mönö nam köl wanggiiga jike nup galöm ahök. <sup>17</sup>gKunön yangö könani nangöba jiiga Buña Kimbinön kewö ahöza, “Göñön Melkizedek ewö jike nup galöm aka nalö teteköni qahö mal öngöman.” <sup>18</sup> Anutunön mewö jiba jimkutukutu mutukni mi qeapköyök. Keu miangö kukösumñan qahöwahiga bauköm nengimapkö osimakzawi, miangöra mi qeapköyök. <sup>19</sup> Köna keunön ambazip aködamunini miwikñaibingö qahö bauköm nengiyök. Qahö. Miangöra keu areñ mutukni qeköba salupje jörömqöröm qetpuk sorok nengiza. Nini jörömqöröm miangö qakñe kinda ölop Anutugö kösutñe anda köulukömakin.

<sup>20</sup> Anutunön jike nup galöm dölokñangö keuñi jiba mi jöjöpañ keuñan jim köhöiyök. Mewö ahökmö, jike nup galöm tosatñi yengö keuñini mi jöjöpañ keunön qahö jim köhöigetka töndup mewö aket. <sup>21</sup> <sup>h</sup>Tosatñan jike nup galöm öne aketmö, Anutunön Jisös kuñguba keuñi mi jöjöpañ keuñan jim köhöiba yangöra kewö jiyök, “ ‘Gi mönö jike nup galöm aka nalö teteköni qahö mal öngöman.’ Kembunön keuñi mi jöjöpañ keuñan jim köhöiba uruñan mi qahö uteköma.”

<sup>22</sup> Jöjöpañ keu miangöra aka Jisösnön mönö jöhöjöhö areñ dölokñangö ölni asuhumapkö galömnä akza. Mewö Anutu aka ambazip sutnine nup memba malja. Jöhöjöhö areñ miangön walñi ongita qetpuk sorok akza.

<sup>23</sup> Jike nup galöm tosatñi mi mönöwök gwötpuk malget. Kömumba nupñini toroqeba membingö osigeri, miangöra mi mönö gwötpuk malget. <sup>24</sup> Yeñön gwötpuk malgetmö, Jisösnön nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma. <sup>25</sup> Nup mi memba maljawangöra Jisösnön ambazip yangören ketgetka enguangiri Anutugö kösutñe anakzei, mi ölop köhöiba amöt qem engii keuñinan kömumakza. Nalö dop yengöra aka Anutu köulukömak-ñapköra maljawi, miangöra mönö ölop amöt qem nengim tekömakza.

<sup>26</sup> Jike nup galöm bohonñi mewöñan mönö ölop dop köl nengiza. Yangön töröñi köpösihitkö keuñi qahö aka sarakñi akza. Anutunön Jisös singisöndok ambazip nengörenök tirin kutuba wangiri Suep jakeni pakpak kutuba euyangören öngöba qainni kun akza. <sup>27</sup> <sup>i</sup>Jike nup galöm tosatñan sömañi sömañi mutuk nanñini singisöndokñinangöra aka miangö andöñe könagesö yengö singisöndokñinangöra aka sömbupnön jöwöwöl ohoba maljema. Jisösnön nanñi silen köleñniga jöwöwöl ohoho ewö ak wangigetka mewö miangön könagesö nengö singisöndoknini mi indim mohot miangörenök lök köl könjörari dop köl teköza. Miangöra Jisösnön mi jike nup galöm tosatñi ewö nalö dop ahakñapkö qahö osiza.

<sup>28</sup> Anutunön Köna keuñi Moses wanggiiga miangö dop ambazipnön azi mi kuñgum engigetka jike nup galöm bohonñi ahakze. Gölme azi

<sup>g</sup> 7.17 Sum 110.4   <sup>h</sup> 7.21 Sum 110.4   <sup>i</sup> 7.27 Lew 9.7

yejñon kukösumñini qahö maljemö, Anutunöñ oyaenköyaen akingö keuñi mi könañgep nenñgiba mi jöjöpañ keuñan jim köhöiyöhi, miañgö dop Nahönñi kuñguiga bohonini akza. Bohonini yañon mönö aködamunñi körek pakpak lök miwikñaiba nalö teteköñi qahö köhöikñi mal öñgöba malma. Mewö.

### Jöhöjöhö areñ dölökñañgö jike nup galöm bohonñi

**8** <sup>1</sup>Keu jizini, miañgö keu kötni bohonñi mi kewö: Nini mönö jike nup galöm bohoninambuk akzin. Bohonini yañon mönö Suep mire öñgöba Öngöñgöñamnini yañgö jakömbuak dum tatat qöhöröñe böröñi ölje tatza. <sup>2</sup>Opo seri jike ölni mi Suepnöñ ahöza. Mi gölme azinöñ memeni qahöpmö, Kembunöñ nanñak mi meyök. Jike nup galöm bohonini yañon mönö opo seri jikegö oleni töröñi kötökñi miañgören mala Anutu welenñi qemamgö nupñi memakza.

<sup>3</sup>Gölmegö jike nup galöm bohonñi pakpak mi naluk kalem Anutugöra ala sömbupnöñ jöwöwöl ohoba malmegöra kuñgum engimakzin. Miañgö dop jike nup galöm bohonini Jisösnöñ mewöñanök nanñi Anutugö nalukña al wañgiyök. <sup>4</sup>Mosesgö Köna keugö dop naluk kalem Anutugöra alakingöra azi lök kuñgum engigetka malje. Miañgöra jike nup galöm bohonini miañon gölmenöñ malbawak ewö, yañon mönö gölmegö jike nup galömñi akñamgö osibawak.

<sup>5</sup><sup>k</sup>Gölmegö jike nup galöm yejñon gölmegö jöwöwöl jikenöñ Anutu welenñi qebingö nupñi memakze. Jike miañon mönö Suep jike kömbukñañgö söpsöpñi aka imutñi akza. Mosesnöñ jike kömbukñi opo serinöñ memamgö ahöhi, nalö miañgören Anutunöñ Suep jikeñañgö areñi mi indelök. Indel teköba galöm meme keuñi kewö jii mörök, “Mötnöñ, kundunje malnöñga areñ kondel gihiali, yuai pakpak mönö miañgö dop törörök wuatangöba memam.” Miañgö dop opo serinöñ jöwöwöl jike meiga miañon mönö Suep jikegö korembiñi ahök. <sup>6</sup>Anutunöñ oyaenköyaen akingö jöhöjöhö keu dölökñi nenñgiiga miañon jöhöjöhö keu walñi ongita ölop sorokñi akza. Jöhöjöhö keu miañon areñ dölökñañgö tandöñi akza. Jöhöjöhö areñ dölökñi miañon mönö areñ walñi ongita qetbuñañambuk akza. Qetbuña miañgö dop Jisösnöñ jöhöjöhö areñ dölökñañgö nupñi ölop sorokñi mi buña qem anguba Anutu aka ambazip sutnine kinda bauköm nenñgimakza. Nupñi miañon mönö gölmegö jike nup memeni mi gwötpuk ongita aködamunñambuk akza.

<sup>7</sup>Jöhöjöhö areñ mutukñan keuñi qahö aka dop kölbawak ewö, jöhöjöhö areñ könañgepñan asuhumapköra öne qahö mamböt-pinak. <sup>8</sup><sup>l</sup>Mewömö, ambazipnöñ töndup böligetka Anutunöñ könañini miwikñaiba jim engiba kewö jiyök, “Kembu nöñon kewö jizal: Mötket! Nalö kun kam

<sup>j</sup> 8.1 Sum 110.1    <sup>k</sup> 8.5 Eks 25.40    <sup>l</sup> 8.8-12 Jer 31.31-34

kuṅgumawi, miangöreṅ Israel kambu aka Juda kambu embuk jöhöjöhö areṅ dölökṅi akṅam.

- <sup>9</sup> Nöṅön ambösakonurupṅini böröṅine memba Ijpt kantrinöhök enṅuaṅgitpiga yaigep kagetka yembuk jöhöjöhö areṅ ahalmo, yeṅön nöṅgö jöhöjöhö areṅ mi qahö qekötahöba tem kölget. Miangöra nöṅön mewöṅanök i andö enṅuyal. Kembu nöṅön mewö jizal. Jöhöjöhö areṅ dölökṅi akṅami, mi Buṅa keu walṅaṅgö dop qahö.
- <sup>10</sup> Mewö qahöpmö, nalö miangön kam kuṅguiga Kembu nöṅön mönö Israel könagesö yembuk jöhöjöhö areṅ dölökṅi kewö aka jimam: Nöṅön mönö nani Köna keuni pakpak mi yeṅgö mötmötṅine ala uruṅine kimbi ewö ohobi ahöma. Mewö aka yeṅgö Anutuṅini akiga yeṅön mönö nöṅgö könagesöni aka malme.
- <sup>11</sup> Nalö miangöreṅ ketanṅi moröṅi mi körekmakörek nöṅgö könani möt yaköba malme. Miangöra böhi kunöṅ Kembangö könani mötmegöra sutṅine qahö kusum enṅiba malma. Datṅan munṅaṅgöra kewö qahö jima, ‘Gi mönö Kembu möt yaköman.’
- <sup>12</sup> Kewögöra ni möt yaköm niṅgiba malme: Nöṅön ahakmemenṅini bölöṅi mi sangonṅa mosötmam. Siṅgisöndokṅinaṅgöra mönö ölum nungui mi qahö toroqeba mötmörimam.”
- <sup>13</sup> Anutunöṅ jöhöjöhögöra “Dölökṅi” jiba mewö miangön jöhöjöhö areṅ mutukṅaṅgöra “Mönö walṅi ahök,” jiiga könani mewö asuhuyök. Keu areṅ kunöṅ nalö köröpṅi ahöba walṅi akzawi, miangön mönö ayapkömamgö dop akza. Mewö.

#### Gölmegö opo seri jikenöṅ Anutu kewö möpöseiget:

**9** <sup>1</sup> Anutunöṅ jöhöjöhö areṅ mutukṅi aka miangöreṅ mewöyök waikṅi memba möpöseibingö areṅi mi jim kutui wuatangöget. Mi wuatangöba gölmenöṅ opo seri jike megetka ahöyök. <sup>2</sup> Anutugö opo seri jike kömbukṅi mi kewö meget: Jike olenṅi mutukṅi miangöreṅ lambegö dum tatatṅi aka beret kömbukṅi mi Anutugö jemesoholṅe tebolnöṅ buṅaṅa alget tarök. Jike uruṅi miangö qetṅi mi jike olenṅi kömbukṅi. <sup>3</sup> Miangö andöṅe jike uru qetṅi jike olenṅi töröṅi kötökṅi mi ahöyök. Jike olenṅi yahöt mietkö sutṅire opo sel kinök.

<sup>4</sup> Jike olenṅi töröṅi kötökṅi miangöreṅ jiniṅ ohohogö altanṅi aka jöhöjöhö areṅgö bokisṅi mi ahöyohot. Altanṅi mi goulnöṅ memenṅi aiga bokis silenṅi mi körek goulnöṅ turuturuṅi ahök. Paura qetṅi mana mi goul kumbutnöṅ ala bokis miangö uruṅe galöm kölget. Mewöyök Arongö öröpṅi sötṅi jujulṅi aka Anutunöṅ jöhöjöhö areṅi kötnöṅ ohoi ilanṅi mi

<sup>m</sup> 9.2 Eks 26.1-30; 25.23-40    <sup>n</sup> 9.3 Eks 26.31-33    <sup>o</sup> 9.4 Eks 30.1-6; 25.10-16; 16.33; Jan 17.8-10; Eks 25.16; Dut 10.3-5

bokis miangö uruŋe galöm kölget. Bokis uruŋe yuai karöbut mi mewö ahöget. <sup>5</sup>⁠Bokis qakŋe imut yahöt goulönj memenj mi Anutunönj dowe mali asakmararaŋangö söpsöpŋi aka kinohot. Imut yahöt mi ginginŋiri kötula bokis önunŋi turuba kinohot. Bokis önunŋi mi Anutugö köl könjörat dumŋi ahök. Keu mohot mohot mi nalö kewöŋe nanjök nanjök törörök eraum mötpinangö dop qahö.

<sup>6</sup>⁠Anutugö opo seri jike kömbukŋangö yuai pakpak mi mönö mewö arengögetka ahöiga jike nup galöm yeŋön nalö dop jike olenj mutukŋi miangörenj öngöba Anutu welenni qeba nupŋini memba malget. <sup>7</sup>⁠Mewö malgetmö, jike nup galöm bohonŋi yaŋönök (yara) yambu dop indimŋi mohot miangörenj jike olenj törönj kötökŋi miangörenj öngöba malök. Sep memba miangörenj öngöba nanŋangöra aka könagesö yeŋön gukmaulem qakŋe ŋiŋisöndok akeri, mönö miangöra aka jöwöwöl ohoba seŋŋi mokoierök.

<sup>8</sup>⁠Mewö arengöba aketka Uŋa Törönjan söpsöp mi kondela mianjön ambazip kewö kusum nengiba malök: Jike olenj mutukŋan toroqeba kinjawi, nalö miangörenj Anutunönj jike olenj törönj kötökŋangö könani mi aukŋe qahö indeliga malget. <sup>9</sup>⁠Keu mi nalö kewöŋangö söpsöpŋi akza. Könani kewö: Ambazipnönj kalemŋi kalemŋi naluk ala jöwöwöl memba kagetka ohomakzemö, uruŋinan töndup luai miwikŋaibingö osimakze. Uruŋinan ŋiŋisön-dok akerangöra aka tölöhoi jöwöwöl memba kaba Anutugö jike kömbukŋe öngöba köulukömakzemö, mianjön mönö ŋiŋisöndok-ŋini köl könjöratpingö osimakze.

<sup>10</sup>⁠Nene kalem aka o kalem memba kaba an köl kam köl aketka o melun könani könani mem engimakzemö, mewö silegö jimkutukutuŋi miyök wuatangömakze. Yuai mi mutuk dop köli aka malgetmö, Anutugö areŋ döläkŋangö nalöŋan kam kuŋguiga miangörenjök könahiba qahö toroqeba dop kölma. Mewö.

### Kraistkö seŋŋangö könani

<sup>11</sup>⁠Kraistnönj kaba oyaenŋkoyaen nengimakzawangö jike nup galöm bohonŋi ahöhi, yaŋön gölmegö opo seri jike kömbukŋi azinönj memenj miangörenj qahö öngöyökmö, mönö Suepkö jike kömbukŋe öngöyök. Jike kömbukŋi mianjön öngöngöŋi akza. Aködamunŋan mönö asakmararaŋambuk. <sup>12</sup>⁠Miangörenj öngöba uruŋi mutukŋi kutuba meme (noniŋ) aka bulmakau morönj miengö seŋŋini qahö memba anökmö, nanŋi seŋŋi mokoiga mianjön nam köl wangiiga Suepkö jike olenj törönj kötökŋi miangörenj öngöyök. Miangörenj nalö mohotkö dop öngöiga dop köl teköza. Sohpnini mewö memba oyaenŋkoyaen akingö kondoriga nalö tetekönj qahö dop köla ahöm öngöma.

⁠ 9.5 Eks 25.18-22    ⁠ 9.6 Jan 18.2-6    ⁠ 9.7 Lew 16.2-34

<sup>13</sup> \*Mutuk meme (noniŋ) aka bulmakau aziŋi enguba sepnjini memba kaba bulmakau ambi seramŋi mianŋon jöwöwöl ohoba mianŋö bupgahajöŋi mewöyök memba kaba ambazip kölköl-jinŋinambuk mianŋon qewösahöba engömirigetka dop köl engiyök. Mewö amöt qem engigetka mianŋon silenŋi sanŋonŋa mem sarahim engii malget. <sup>14</sup> Mewö aket ewö, Kraistkö sepnjan mönö amötqeŋe tandök mi gwötpuk oŋgita kewö ak nengimakza: Sepnjan mönö urunini tölöhoi sanŋonŋa kömup köhöikŋaŋgö buŋa akingö ahakmemenini mi köl könjörarakza. Mewö ak nenggiiga malmal Tonji Anutu welenŋi qebingö nupŋi mi amqeba memba malbin. Uŋa Töröŋan mala kota teteköŋi qahö mal öngömawi, yaŋon mönö Kraist bauköm waŋgiiga köpösihitŋi qahö malökmö, nenggöra aka nanŋi köleŋ aŋguba Anutugö jöwöwöl lamanŋi ahök.

<sup>15</sup> Könaŋi kewögöra Kraistnön jöhöjöhö areŋ dölökŋaŋgö galöm bohonŋi akza: Anutunön ambazip oyaenŋoyaenŋ aka nalö teteköŋi qahö mewö malbingö keu jöhöba engoholöhi, mienŋon Anutugö Buŋaŋi mi buŋa qem aŋgumegöra mötza. Miangöra Kraist aliga Anutu aka ambazip sutnine urumohot akingö nupŋi memba malja. Jöhöjöhö areŋ mutukŋaŋgö nalöŋe ambazipnön köna oŋgita singisöndok aketka mianŋon jöhöm engii malgeri, Kraistnön i miengöreŋök pösat engimamgöra aka kömumba sohopŋini meyök.

<sup>16</sup> Kunŋan öroyuaiŋi pakpak malmalŋi tekömawi, miangöreŋ alaŋaŋgö buŋaŋi akŋapkö jim kutui keu ahözawi, alaŋan buŋa mi zilaŋ qahö mema. Zilaŋ qahöpmö, keu toŋan kömui könaŋan aukŋe asuhui eketka miangöreŋ mi ölop buŋa qema. <sup>17</sup> Jebuk maliga nalö miangöreŋ keuŋi mianŋon ölnambuk qahö akŋapmö, keu toŋan kömuigun keuŋan mönö kukŋambuk akŋa. <sup>18</sup> Keu miangö dop jöhöjöhö areŋ mutukŋi mi mewöyök sep qahö öne ölnambuk qahö ahök.

<sup>19</sup> \*Ölnambuk kewö ahök: Mosesnön Köna keugö jöjöpaŋ keu pakpak mi könagesö körek yenggöra oyondagun mönö bulmakau moröŋi aka meme (noniŋ) enguiga sepnjanan erök. Eri mi memba obuk mindiriba lama juŋŋi pisikŋi gugakgugak memba soŋgorep suŋe jöhöba sepnön kundumgöba qewösahöi Köna keu Kimbi lama silenŋe ohoba lipiŋgögeri, mi miriyök. Mi miribagun könagesö pakpak sutŋine liliköba sep onön kundumgöba giliga mianŋon qewösahöi engömiriyök. <sup>20</sup> Mewö engömiriba kewö jiyök, “Anutunön keuŋi tem kölmegöra jim kutum engiba embuk jöhöjöhö akzawi, mönö miangö sepnja ki.”

<sup>21</sup> \*Mewöŋanök opo seri jike kömbukŋi mi tok sepnön kundumgöba giliga mianŋon kundumgöba miriyök. Amötqeŋe nup memegö aködamun yuaiŋi pakpak mi mewöyök kundumgöba gili miriyök. <sup>22</sup> \*Köna keunön

\* 9.13 Lew 16.15-16; Jan 19.9, 17-19    † 9.19-20 Eks 24.6-8    † 9.21 Lew 8.15    † 9.22 Lew 17.11

jim kutuzawangö dop i me wai pakpak mi mönö sepnöy sangorjninga sarakñi ahakza. Kunöy sep qahö mokoza ewö, Anutunöy mönö singisöndoknini qahö mosötma. Mewö.

**Kraistkö sepnan singisöndoknini köl könjörarakza.**

<sup>23</sup> Suep jike kömbukñangö söpsöp imutñi imutñi mi gölmenöy jöwöwöl ohoho aka mewö mianjön amöt engugetka sarakñi aketka dop köljapmō, Suepkö öröyuaigöra mi qahö dop kölja. Mianjöra Kraistnöy jöwöwöl ohoho qainñi kun aka mianjön Suep jikegö öröyuañi pakpak mi mönö amöt enguiga sarakñi aketka dop kölök. Jöwöwöl ohoho qainñi kun mianjön mönö gölmegö jöwöwöl ohohonñi ongita aködamunñambuk akza. <sup>24</sup> Mianjögö könanñi kewö: Kraistnöy jöwöwöl jike olenñi törönñi kötökñi azinöy memenñi mianjögören qahö öngöyök. Mi Anutugö jike öljangö söpsöpñi miyök ahök. Kraistnöy mönö Suep miri ölni mianjögören öngöba nalö kewöñe baukōm nengimakñapkōra jitjememenini aka Anutugö jemesoholñe asuhumakza.

<sup>25</sup> Jike nup galöm bohonñan yambu (yara) dop sömbup sepnini memba jöwöwöl jike olenñi törönñi kötökñi mianjögören öngöba malök. Kraistnöy mianjögö dop qahö ahakza. Yanjön Suep mire indimñi gwötpuk qahö öngöyök. Anutugö jöwöwöl lamanñi aiga yambu (yara) dop qemakñegöra aka eu qahö öngöyök.

<sup>26</sup> Indimñi mohotñan qahö dop kölbowak ewö, yanjön mönö Anutunöy Suep gölme miwikñaim etkiyöhi, nalö mianjögörenök könahiba sihimbölönñi bölönñi möri indimñi sehisehñi akawak. Mewö qahöpmö, gölmegö nalöñan tekömamgö aiga nalö kewöñe indim mohot miyök singisöndok köl könjöratmapkōra aka asuhuyök. Asuhuba nanñi jöwöwöl ohoho ewö ak wangimegöra al anguyök. <sup>27</sup> Gölme ambazip nengö areñnini kewö ahöza: Nini nalö kunöy kömumbin aka mianjögö andöñe Anutunöy keunini kewöta jim tekōm nengima.

<sup>28</sup> "Areñ mianjögö dop Kraistnöy mewöñanök ambazip sehisehñi nengö singisöndoknini köl könjöratmapkōra indim mohotkö dop kaba nanñi jöwöwöl ohoho ewö ak wangimegöra al anguyök. Yanjön nalö kunöy lilingöba kama. Singisöndokōra aka kunbuk qahö kamapmō, ambazip asuhumapkö mambörakzini, mönö nini oyaenköyaen nengiba nenguangitmapkōra aka asuhuma. Mewö.

**Indim mohot kömupnöy al angui dop köl teköza.**

**10** <sup>1</sup> Köna keu walñi mianjön oyaenköyaen akingö könanñi ölni qahö akzapmō, oyaenköyaen asuhumawangö imutimutñi miyök ahöza. Köna keugö könanñi mewö ahözawangöra aka ambazip Anutu

<sup>w</sup> 9.28 Ais 53.12

möpöseibingöra jike kömbukne nalö dop öngömakzei, yeñön mönö letota aködamunjinambuk akingö osimakze. Yeñön nalö teteköñi qahö naluk kalem wangita ala jöwöwöl ohoho miyök yambu (yara) dop toroqeba aka malgetmö, mianjön qahö dop kölök. <sup>2</sup> Mianjön dop kölbawak ewö, jöwöwöl ohoho mi ölop mosötpeak. Jike kömbukne Anutu waikni memba möpöseigeri, yeñön indim mohot amöt engugetka sarakni ak teköbeak, mewö mönö singisön-dokñinanğö gamuñi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina almalget.

<sup>3</sup> Yambu (yara) dop jöwöwöl ohoba malgeri, mianjön mönö toroqeba singisöndokñinanğö gamuñi mi jim gulim engii malget. <sup>4</sup> Bulmakau aziñi aka meme (noniñ) yeñgö sepninan mönö singisöndok köl könjöratmapkö osiza. Mi esapkögetmö, qaköba mala kotket.

<sup>5</sup> \*Mianğöra Kraistnöñ gölmenöñ eta asuhuyöhi, nalö mianğöreñ kewö jiyök, “Anutu, göñön naluk kalemğöra aka jöwöwöl ohome-ğöra qahö köpösöngöba malnöñmö, gölmenöñ malmalgö sileñi mi mözözömgöba ninginöñ.

<sup>6</sup> Jöwöwöl ohoba singisöndokñinanğöra aka naluk kalemñi kalemñi ala malgeri, mi eka mianğöra qahö söñgaiba malnöñ.

<sup>7</sup> Nalö mianğöreñ kewö jial, ‘Anutu, mötnöñ, nöñön ki kazal. Nöñgö könani mi papia lipinlipiñi mianğöreñ ohogetka ahöza. Mianğö dop mönö göhö sihimğahö dop aka memba malmam.’ ”

<sup>8</sup> Mutuk kewö jiyök, “Naluk kalem ala jöwöwöl ohoba singisöndokñinan solanimapköra yuai könani könani aka malgeri, mianğöra mönö sihimgan qahö asuhui möta malnöñ. Mi eka mianğöra qahö söñgaiba malnöñ.” Yuai mi Köna keu walñanğö dop toroqeba ahakzemö, mi töndup mewö jiyök. <sup>9</sup> Mianğö andöñe keu kewö jiyök, “Anutu mötnöñ, nöñön mönö ki kaba göhö jitsihitkahö dop aka memba malmam.” Mewö jiba Anutu waikni memba möpöseibingö könani mutukni mi qeapköba köna dölokñi kuñguyök. <sup>10</sup> Anutugö jitsihitñan nam köl wangiga sileñan jöwöwöl ohoho ewö aket teköi mianğöra mönö tök kutum neñgi sarakni ak teközin. Indim mohotkö dop sileñi köleñniga mianjön nalö dop mönö söp köla ahöm öngöma.

<sup>11</sup> \*Nalöñi nalöñi jike nup galöm pakpak mieñön kinda jike nupñini memakze. Sundan dop jöwöwöl ohoho miyöhök dumpe kunbuk ahakzemö, mieñön singisöndokñini köl könjöratpingö osimakze.

<sup>12</sup> \*Mieñön osimakzemö, Suepkö jike nup galöm bohonñan mönö indim mohotkö dop singisöndoköra aka sileñi köleñniga nalö teteköñi qahö dop köla ahöm öngöma. Jöwöwöl ohoho ewö ak wangigetka Suep jikenöñ öngöba Anutugö böröñi öñe tatza. <sup>13</sup> Mianğöreñ tata nalö sutñi

kiaŋgöreŋ Anutunöŋ tuarenjoŋurupŋi tötali et enŋuiga Kraist könaŋangö döŋŋi<sup>a</sup> aketka köiraŋ kölbingö mamböta malja. <sup>14</sup>Indim mohotkö dop kömupnöŋ al aŋgui jöwöwöl ohoho ewö ak wangigetka miaŋön dop köl teköi ölop ambazip tök kutum nenŋii sarakŋi akingö dop akzin. Mewö ölop mem letot nenŋiiga aködamunini pakpak miwikŋaiba nalö teteköŋi qahö mewö mal öŋgöbin.

<sup>15</sup>Uŋa Töröŋan mewöyök keu mi naŋgöba jiiga mötzin. Mutuk keu kewö jii ahöza:

<sup>16</sup><sup>b</sup>“Kembu nöŋön kewö jizal: Nalö tosatŋan tekögetka miaŋgöreŋ mönö jöhöjöhö areŋ yembuk akŋami, mi kewö: Nöŋön Köna keuni pakpak mi mönö uru könömjine ala mötmötnjine kimbi ewö ohomam.”

<sup>17</sup>cMewö jiba kewö toroqeyök, “Nöŋön mönö yengö ŋiŋgisöndok-ŋini aka ahakmemenini iwilelebuk akeri, miaŋgöra ölum nungui mi qahö toroqeba mötmöröiba malmam.” <sup>18</sup>Keu miaŋgö dop Anutunöŋ mi mosöri keuninan kömuyöhi, ŋiŋgisöndok mieŋgöra jöwöwöl ohobinaŋgö dop qahö akzin. Mewö.

### **Anutubuk kapap köla malbingöra nenŋoholök.**

<sup>19</sup>Miaŋgöra urumelen alaurupnini, Jisösgö sepŋan ŋaŋgoŋ nenŋiiga mönö ölop Anutugö jike oleni töröŋi kötökŋi miaŋgöreŋ öŋgöbin. Mewö möt narim köhöiba uruyahöt qahö ahakzin. <sup>20</sup>Jisösnöŋ köna anangö köna dölökŋi mesariga nanŋak malmal köhöikŋangö könaŋi ak nenŋiza. Köna mi nanŋi sileni kölenŋa mewö miaŋön mesari ahöza. Köna mi tiba Anutugö jikeŋangö opo selŋi kutuba jike oleni töröŋi kötökŋi miaŋgöreŋ öŋgöbin. Jisösgö silenŋan nam köl nenŋiiga opo selŋi mi ölop kutubin. <sup>21</sup>Jisösnöŋ jike nup galöm öŋgöŋgöŋi ak nenŋimakza. Yaŋön Anutugö könagesöŋi pakpak galöm köl nenŋiba malja.

<sup>22</sup><sup>d</sup>Mewö maljawangöra nenŋön mönö geŋmoŋ mosöta uruyahöt körek yaköröiba pöndaŋök mötnarip qakŋe kinda Anutugö kösutŋe anda köuluköba malbin. Sepŋan qewösahöi nenŋömiröiba uru tölöhopnini ŋaŋgoŋniga sarakŋi aka malbin. Uruninan qahö toroqeba jim nenŋiiga mönö awösamkakak malbin. O sarakŋi ariinga mem tuarim nenŋiiga mewö mönö Anutubuk qekötahöba malbin. <sup>23</sup>Anutunöŋ oyaenŋoyaen akingö keu jöhöba nenŋiyöhi, yaŋön mönö keunŋi pöndaŋ wuatangöba nembuk kinja. Mewö kinjawangöra aka mewö akingö mamböta jörömqörömqi jim miwikŋaimakzin. Miaŋgöreŋ mönö koŋgwarak mosöta zeŋ kin köhöiba malbin. <sup>24</sup>Urukalem aka ahakmeme ölopŋi akingöra

<sup>a</sup> **10.13** Kerökurupŋi memba et al enŋiba luhut ala gamu qem enŋibingöra könaŋinan tuapköba qakŋine döŋ ewö tölanjiba malget. Juda yengöreŋ köna mewö. <sup>b</sup> **10.16** Jer 31.33 <sup>c</sup> **10.17** Jer 31.34 <sup>d</sup> **10.22** Lew 8.30; Eze 36.25

mönö uru kungum aka nangöm anguba malbin. Mewö malbingöra mönö pöndaŋ galöm mem anguba malbin. <sup>25</sup>Tosatŋan nanŋini urumeleŋ könagesögö totokoŋini mosörakzei, neŋön mönö silik miangö dop kude aka malbin. Mewö qahöpmö, Kembu kamawangö aiwesökŋi eka nalöŋan dopdowimapkö mötzini, miangö dop mönö kapaŋ köla köhöiba uru kungum anguba malbin.

<sup>26</sup>Buŋa keu ölni mötagun nanini imbi-imbi qakŋe ŋiŋgisöndok laŋ akin ewö, ŋiŋgisöndoknini miangöra mönö naluk jöwöwöl kun albingö osibin. Jöwöwöl ohoho kun mi qahö bauköm neŋgima. <sup>27</sup>¶Mi qahö bauköm neŋgimapmö, Anutunöŋ keunini mi jim teköba likepŋi meleŋni qaknine öŋgömapkö mamböringa jönömninan undui keŋgötnini möta malbin. Anutugö könöpŋan tuarenjoŋ-urupŋi eŋgohomawi, miangö kukŋi miyök asuhumapköra mönö mamböta malbin. <sup>28</sup>¶Kunŋan Mosesgö Köna keu andö qezawi, i mönö keu jakeŋe algetka yahöt karöbutŋan keuŋi nangöba jigetka keuŋambuk akŋa ewö, i mönö kude ak kömum waŋgigetka kömupkö buŋaya akŋa.

<sup>29</sup>¶Mewö akŋapmö, ambazip kun kewöŋangö keuŋangöra mönö denöwö mötmörize? Kunöŋ Anutu Nahöŋŋangö keuŋi könaŋan tökötahöba gilakza. Jöhöjöhö areŋ döläkŋangö sepŋan lök tök kutum waŋgii sarakŋi ahökmö, sep mi yuai omaŋi ewö memba et alakza aka kalem möriam Toŋi Uŋa Töröŋi mi ilita mepaqepaik ak waŋgimakza. Kunŋan mewö aiga Anutunöŋ keuŋi kewöta likepŋi dawikö dop waŋgii dop kölbawak? Köna keu qetala kömupkö buŋaya akingö dop akzinmö, Anutunöŋ ambazip mewöŋangö likepŋi mi mönö könöpuk ak waŋgii qakŋe öŋgöi sihimbölö önöŋi qahö möta malma. Wani sihimbölönöŋ mönö dop köl waŋgibawak? Yaŋgö könaŋangöra mönö denöwö mötmörize?

<sup>30</sup>¶Keu kun kewö ahöza, “Jinöŋ jibi, nuŋgunöŋ guhubi, aknöŋ aki mi nöŋgö nuwa. Nöŋön mönö ambazip keuŋinangö likepŋi meleŋmam.” Toroqeba keu kun kewö jii ahöza, “Kembunöŋ könagesöurupŋi eŋgö keuŋini kewöta jim teköma.” Kun daŋön mewö jiyöhi, neŋön i möt waŋgizin. <sup>31</sup>Anutu malmal Toŋangö jeŋe kinda et neŋgui böröŋan neŋgumawi, miaŋön mönö kanjamŋambuk kötökŋi akŋa. Mewö.

<sup>32</sup>Löwöribepuköra kewö jizal: Anutugö asakŋan kaiga buŋa qem anguba asarigeri, mönö nalö mutukŋi mi mötmöriba malme. Nalö miangöreŋ mötnaripkö bim qeba sihimbölö gwötpuk miwikŋaiba mi töndup aum-möriba aongit aka kin köhöiget. Mi mönö kude ölum eŋguma. <sup>33</sup>Nalö tosatŋe gamu qem eŋgiget köŋjiliŋ mötketka qenjaröknöŋ eŋgehiba malget. Nalö tosatŋe alaurupŋini tandök mewöyök ak eŋgigetka yeŋgö qöhöröŋine kinget. <sup>34</sup>Tosatŋi kösö mire alget tatkeri,

¶ 10.27 Ais 26.11    ¶ 10.28 Dut 17.6; 19.15    ¶ 10.29 Eks 24.8    ¶ 10.30 Dut 32.35, 36

mönö i engeka sihimbölönjini mohotŋe möta malget. Sukinapŋjini kiom qeba megeri, mi mönö sösöŋgai qakŋe möt aŋgön köla malget. Suepkö ainemaluku qainŋi kun qahö ayapkömawi, mi ahöm engizawangö möta mianğöra urukölalep möta malget.

<sup>35</sup> Mianğöra awösamkakakŋjini mönö nalö kewöŋe kude gila mosötme. Mi kude mosötketka Anutunöŋ mönö mianğö töwaŋi ketanŋi engima.

<sup>36</sup> Anutunöŋ yuai engimapkö keu jöhöi ahözawi, eŋön mi buŋa qem aŋgumegöra kinje. Mianğöra Anutugö jitsihitŋi wuatangöba lömböt möta mököşöŋda kapaŋ köla malme ewö, Suepkö buŋaŋi mianğön mönö eŋgö buŋa akŋa. <sup>37</sup> Kewögöra mönö kin köhöiba malme: Nalö töröptökŋi miyök mönö toroqeba mamböringa “Kunbuk kamawaŋön mönö kam kuŋguma. Nalöŋi qahö qem körii öŋgömapmö, nalöŋaŋgö dop törörök kama.

<sup>38</sup> Törörök kamapmö, nöŋgö alanan ahakmeme diŋdiŋi wuatangömakzawi, yangö mötnariŋŋan mönö nam köl waŋgii mal köhöim öŋgöma. Kunbuk eleŋda mötnariŋŋi mosötma ewö, mi qahö dop köli urunan mönö yangöra qahö söŋgaima.”

<sup>39</sup> Keu mewö ahözapmö, neŋön ambazip uruŋjini kunbuk eleŋda mötnariŋŋjini mosöta könöp siagö buŋaya akŋei, mönö yengö kambunöŋ qahö kinjin. Mewö qahöpmö, mötnariŋŋjini mi mönö galöm kölinga Anutunöŋ amöt qem neŋgii mala Suep mire öŋgöbinangö dop akzin. Mewö.

#### Ambazip mötnariŋpköra aka yuai kewö asuhuyök:

**11** <sup>1</sup> Mötnariŋkö könaŋi kewö: Yuaigö jörömqöröm akzini, mi asuhumapköra mönö köhöiba uruyahötŋi qahö möt narizin. Yuai qahö ehekŋi mianğö dop aka memba ölni ekingö mamböta awösamkakak kinjin. <sup>2</sup> Möpŋangö möpŋeyök könahiba ambazip mötnariŋŋinan nam köl engiiga uruŋjini melengetka Anutunöŋ engehi dop köliga jim ölöwak engiiga malget. <sup>3</sup> Mötnariŋŋinan nam köl neŋgiiga yuai pakpakö könaŋi kewö möt asarimakzin: Anutunöŋ keuŋi jim kutuba mianğön Suep gölmegö öroyuaiŋi pakpak miwikŋaiyök. Mianğöra nalö kewöŋe yuai ehakzini, mi yuai ehekŋi mianğöreŋök qahö letota asuhuyök.

#### Abel, Enok, Noa yengö mötnariŋŋjini

<sup>4</sup> Kein (Kain) Abel yetkön Anutugöra jöwöwöl ohoyohotka Abelnöŋ uruŋi melenŋiga mötnariŋŋan nam köl waŋgii törörök tem köliga köwakŋan diŋdiŋi öŋgöyök. Mewö öŋgöiga Anutunöŋ jöwöwölŋi ehi dop köli jim ölöwahök. Jim ölöwaka Abelnöŋ solanŋi ahöhi, Anutunöŋ keuŋi mi naŋgöba jiiga mötnariŋŋan nam köl waŋgii mörök. Mewö möta mala

<sup>i</sup> 10.37-38 Hab 2.3-4    <sup>j</sup> 11.3 Jen 1.1; Sum 33.6, 9; Jon 1.3    <sup>k</sup> 11.4 Jen 4.3-10

kömuyökmö, mi töndup nalö kewöŋe ahakmemeŋi möringa keu mianjön mönö toroqeba urunini kuŋguba naŋgöm neŋgimakza.

<sup>5</sup>Azi qetŋi Enok yaŋön mönöwök uruŋi meleŋniga Anutunöŋ keuŋi naŋgöba jim ölöwahiga möta yaŋgö jeŋe dop köla malök. Mewö mala mali mötnariŋŋan Anutu nam köl waŋgiiga waŋgiri jebuk öŋgöyök. “Anutunöŋ waŋgiri öŋgöiga toroqeba miwik-ŋaibingö osiget.” Buŋa Kimbi miangö dop Enok mötnariŋŋan aŋgön köl waŋgiiga qahö kömuyök. <sup>6</sup>Uruŋi Anutugöreŋ meleŋjawaŋön mönö keu kewö möt narima: Anutunöŋ malja aka Anutunöŋ ambazip yaŋgö jeŋe dop kölbingö jaruzei, mi töwa qem eŋgima. Keu yahöt mi möt nariba ölop Anutugö kösutŋe kamapmö, qahö möt narim waŋgiba öne yaŋgö jeŋe dop kölbingöra mönö osibin.

<sup>7</sup>Anutunöŋ Noagöra yuai asuhumapkö galöm meme keuŋi indelök. Indeli Noanöŋ möt asariba sömbuŋi qainŋi kun möta ölni qahö ehiga mötnariŋŋan nam köl waŋgiiga tem köla waŋge meyök. Anutunöŋ nanŋi aka saiwauruŋi aŋgön köl eŋgimapköra möta waŋge mi meyök. Noa mötnariŋŋan nam köl waŋgiiga waŋge meyöhi, ahakmeme mianjön mönö gölme ambazip könaŋamŋini gongonŋi indeli Anutunöŋ keuŋini jim teköiga ayuhuget. Uruŋini qahö meleŋda ayuhugetmö, Noagö mötnariŋŋan nam köl waŋgiiga Anutugö jeŋe solanŋi akingö kalemŋi mi buŋa qem aŋguyök. Ambazip Anutu möt narim waŋgiinga keunini jim teköi solanimakzini, Noanöŋ mönö miangö dop solanŋi ahök. Mewö.

### Abraham Sara yetkö mötnariŋŋi

<sup>8</sup>Anutunöŋ Abraham gölme yaŋgö buŋa akŋapkö jiyöhi, mönö miangöreŋ anmapkö oholök. Oholi mötnariŋŋan nam köl waŋgiiga keu mi tem kölök. Denikeangöreŋ anda aŋgotpawak mi qahö mörökmö, mi töndup nanŋi gölmeŋi mosöta anök.

<sup>9</sup>Anda Anutunöŋ gölme yaŋgö buŋa akŋapkö jim jöhöi ahöyöhi, mönö miangöreŋ aŋgorök. Aŋgota kian aka ambazip ahakmemeŋini qahö mörökmö, mötnariŋŋan nam köl waŋgiyö-hangöra mönö töndup opo koumŋi kuŋguba ali miangöreŋ ahöba malget. Isimoröŋi Aisak Jeikob yetkö mewöyök Anutunöŋ gölme eŋgimapkö jöhöjöhö keuŋi miyök buŋa qem aŋguba gölme miangöreŋ toroqeba opo koumŋini kuŋguba ala ahöba malget. <sup>10</sup>Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti miangö areŋi ala imutŋi memba miri tandöŋini esiba meiga pöwöwöm köhöikŋi ahöm öŋgömawi, mönö miangöreŋ aŋgotmamgö al mamböta opo koumnöŋ malök.

<sup>11</sup>Mewö mala lök azi namŋi aiga mötnariŋŋan nam köl waŋgiiga köhöiba iwi ahök. Abrahamgö anömŋi Sara yaŋön köpin malökmö, mi

<sup>1</sup> 11.5 Jen 5.21-24    <sup>m</sup> 11.7 Jen 6.13-22    <sup>n</sup> 11.8 Jen 12.1-5    <sup>o</sup> 11.9 Jen 35.27    <sup>p</sup> 11.11 Jen 18.11-14; 21.2

töndup gölöm ala morö meyök. Anutunöŋ Abrahamgö könagesöŋi ketanji akŋapkö keu jöhöm waŋgiyöhi, yangöra aka keujan öljambuk akŋapkö möt nariba malök. Mötnariŋŋi miaŋön mönö nam köl waŋgiiga nahönŋa asuhui ehök. <sup>12</sup> <sup>a</sup>Azi mohot miaŋgö mötnariŋŋan nam köl waŋgiiga lök kömukömugö dop ahökmö, mi töndup yangöreŋök könagesö keta bölökŋi asuhuget. Sengelau suepnöŋ asarigetka jaŋgöŋini oyonbingö osizini, me sak köwet jitŋe ahözei, gwölönarökurupŋan mönö miaŋgö dop sehiba asuhuget.

### **Ambazip kewöŋan Suep mirigöra awöwengöba malget:**

<sup>13</sup> <sup>r</sup>Ambazip kösohotŋini lök jizini, mi körek uruŋini melenŋa Anutu möt narim waŋgiba mala kömuget. Anutunöŋ gölme engimapkö keu jöhöm engii malgetmö, gölme miaŋgöreŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmenöŋ mönö kiana aka qandak maljin.” <sup>14</sup> Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze. <sup>15</sup> Gölme mosötkeŋi, miaŋgö mötmöriba keuŋi jibeak ewö, yeŋön mönö ölop lilingöba miaŋgöreŋ angetka uruŋinan teköbawak.

<sup>16</sup> Mönö ölop lilingöbeakmö, yeŋön miaŋgöra qahö mötmöriba malget. Miaŋgöra qahöpmö, kantri qainŋi kun Suepnöŋ ahözawi, mönö miaŋgöreŋ aŋgotpingö awöwengöba malget. Anutunöŋ yeŋgöra siti kun meiga ahözawi, miaŋgöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

### **Abraham, Aisak, Jeikob, Josef yeŋgö mötnariŋŋini**

<sup>17</sup> <sup>s</sup>Anutunöŋ Abraham esapesapnöŋ al waŋgiiga mötnariŋŋan nam köl waŋgiiga Aisak Anutu kalema waŋgiyök. Anutunöŋ Aisaköra gölme waŋgimamgö jiiga Abrahamnöŋ jöhöjöhö keu mi buŋa qem anguyökmö, töndup nahönŋi mohok-kun mi mosöta miaŋön jöwöwöl ohomamgö ahök. <sup>18</sup> <sup>t</sup>Anutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köl engiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök. <sup>19</sup> Mosöta kewö kewöta mötmöriyök, “Kömumapmö, Anutunöŋ ölop köhöiba mem gulii kömupnöhök wahötma.” Söpsöp keu mewö jiyöhi, miaŋgö dop nahönŋan dumŋe kunbuk kömupnöhök ewö wahöri waŋgirök.

<sup>20</sup> <sup>u</sup>Mötnariŋŋan Aisak nam köl waŋgiiga nahönyahötŋi Jeikob aka Iso (Esau) mi kötugetköm etkiyök. Anutugö kötümötugetŋi miaŋön mönö nalö könangepŋe mewöyök dop köl etkii qakŋire öŋgömakŋapköra köuluköyök.

<sup>a</sup> 11.12 Jen 15.5; 22.17; 32.12    <sup>r</sup> 11.13 Jen 23.4; 1 Hist 29.15; Sum 39.12    <sup>s</sup> 11.17 Jen 22.1-14    <sup>t</sup> 11.18 Jen 21.12    <sup>u</sup> 11.20 Jen 27.27-29, 39-40

<sup>21</sup> \*Jeikobnönj kömumamgö ahöhi, nalö miangörenj mötnaripñan nam köl wañgiiga nahönñi Josefgö nahönyahötñi yahöt mi kötuetköm etkiba öröppangö kitipñe nariba Anutu waikñi memba möpöseiyök.

<sup>22</sup> \*Josefgö kömupñan dopdowiyöhi, nalö miangörenj möt-naripñan nam köl wañgiiga Israel könagesö Ijpt mosöta kageri, miangö kösohotñi mi jim guliba jiyök. Mewö jiba könangep qamötñi denike löm kölmegö keunji mi jim kutum engiyök. Mewö.

### Mosesgö mötnaripñi

<sup>23</sup> \*Mötnaripñiran Mosesgö iwinamñi nam köl etkiiga Mosesnönj asuhuyöhi, i nalö miangörenjök könahiba köiñ karöbutkö dop asamböröhot. Morö mi eksihimñambuk tandökñi kun ahöhi, mi eka kiñ kembugö jimkutukutuñi ongipitpuköra keñgötñiri qahö möta moröñiri asamböta galöm kölohot.

<sup>24</sup> \*Mosesnönj qariiga qetñi farao kiñ böratñangö nahönñi qetketka mötnaripñan nam köl wañgiiga qet mi bisimamgö tököba farao kingö miriñi mosöta angaiyök. <sup>25</sup> Ölop toroqeba Ijpt yembuk singisöndokö sösongainji miwikñaiba mi nalö töröpñi lañ söngaibawakmö, malmalñi mi andö qeyök. Mi andö qeba Anutugö urumelenj könagesö yembuk toroqei kahasililiñ ak engigetka mi mohotñe möta aum-möribingö möri öngöngöñi ahök. <sup>26</sup> Anutunönj töwa wañgimapkörenj göröken uba kin köhöiyök. Miangöra Ijpt yeñon guli dötnamñinambuk aka siyonsayonji qahö malgeri, miangö möri yuai eretñi ahök. Miangön yuai eretñi aiga andö qeba Amötqeqe Toñambuk toroqeiga yañgöra aka mepaqepaik ak wañgiba malgetmö, mi möri töndup ölnji aka öngöngöñi ahök.

<sup>27</sup> Mötnaripñan Moses nam köl wañgiiga Ijpt kiñ kembuñinangö irimñi seholibapuköra keñgötñi qahö möta kantriñi mosöta kayök. Anutu ehekñi qahö mi ehekö tandök mötmörim wañgiba malöhi, miangöra mönö kapañ köla kin köhöiyök. <sup>28</sup> \*Mötnaripñan nam köl wañgiiga ak-kömukömu kendon<sup>a</sup> ala miangö areñi jim kutum engiiga söngaiba tatket. Kömupkö garatanönj Ijpt uruñe nahönñini mutukñi engugetka Israel yeñgö nahönurupñinan kömumbepuköra mönö jim kutum engiiga nanñunine sep miriget.

<sup>29</sup> <sup>b</sup> Mötnaripñinan Israel ambazip nam köl engiiga Köwet Psikñi mi gölme örönñe anangö dop kutuba kaget. Ijpt yarö azi yeñon mi kutubingö esapkögetmö, mönö onönj nemulahöba ayuhuget.

<sup>v</sup> 11.21 Jen 47.31–48.20    <sup>w</sup> 11.22 Jen 50.24-25; Eks 13.19    <sup>x</sup> 11.23 Eks 2.2; 1.22

<sup>y</sup> 11.24 Eks 2.10-12    <sup>z</sup> 11.28 Eks 12.21-30    <sup>a</sup> 11.28 Anutugö garatanönj Israel ambazip engehoriba engongiröhi, miangö kendonji mi nanine keunönj ak-kömukömu kendon jiinga Nei keunönj Pasowa jize.    <sup>b</sup> 11.29 Eks 14.21-31

### Rahab aka mötnaripkö ambazip ipñi tosatñi

<sup>30</sup> <sup>c</sup>Mötnaripñinan Israel könagesö nam köl engiiga Jeriko taonönj kaba kiripo selñi silim 7:gö dop liliköba mohotje anda kagetka kiripo selñi selñi köhöikñan mönö gororongöba etket. <sup>31</sup> <sup>d</sup>Mötnaripñan kõna ketanji ambi Rahab nam köl wanjiiga kewö aiga Anutunönj ehoriyök: Israel jitñememe yetkөн gölme ek miwikñaibitköra ölonj kayohotka ala aka köl öröm etkiyök. Anutunönj mi eka kõnangep yangiseñ ambazip engui ayuhugetka Rahab ehorii yembuk mohotje qahö kömuyök. Mewö.

<sup>32</sup> <sup>e</sup>Wani keuya kunbuk toroqeba jibilenjak? Gideon, Barak, Samson, Jefta, Deiwid, Samuel aka kezapqetok ambazip tosatñi yengö kösohotñini toroqeba jibilenjak ewö, nõngö nalönan mönö qahö dop kölbawak. <sup>33</sup> <sup>f</sup>Mötnaripñinan tosatñi nam köl engiiga jakömbuak tohoñi tohoñi tulumgöba memba ambazip mindingöm engigetka ahakmeme diñdini wuatangöba malget. Anutunönj yuai nengimapkö keu jöhöi ahözawi, gwötpukñan keu miangö dop köuluköba möt narigetka ölni asuhui meget. Tosatñan laion sömbup sutñine köuluköba möt narigetka Anutunönj laion numbuñini jöhöyök.

<sup>34</sup> <sup>g</sup>Tosatñan könöp bölam uruñe köuluköba möt narigetka Anutunönj könöp ösumñi qömbököiga qahö engohoyök. Tosatñi bimgö sou ketanji miangön engubingö aketka Anutunönj yengö souñini jitñi jöhöiga kök alget. Gwötpukñan lölöwöröñi aka köuluköba möt narigetka Anutunönj ösum engiiga köhöiget. Tosatñan bim qeba köuluköba möt narigetka Anutunönj kuk engiiga suahö köhöikñi aket. Kian yengö yarö kambuñinan kagetka tosatñan köuluköba möt nariba mewö mönö enguatangögetka unjurata anget.

<sup>35</sup> <sup>h</sup>Ambi tosatñan kitipñinan kömui köuluköba möt narigetka Anutunönj mem gulim wanji kömupnöhök wahöriga kunbuk toroqeba aitongöget. Ambazip tosatñan kömup andöñe oyaenköyaen öngöngöñi miwikñaibingöra möta kapan köla kinget. Mewö kingetka ihileknönj enguba kahasililiñ kõnanji kõnanji ak engiba kewö jii mötket, “Anutu qan kölnönga zilañ pösat gihibin.” Mewö jii mötketmö, yeñon mi tökögetka toroqeba jangauranga mem engiba malget. <sup>36</sup> <sup>i</sup>Tosatñan Anutu möt narigetka mepaqepaik aka ihilek wahiñambuknönj engugetka sihimbölo kõnanji kõnanji miwikñaiba malget. Toroqeba tosatñi gwaröhöba kösö miriñi miriñi miangöreñ al engiget malget.

<sup>c</sup> 11.30 Jos 6.12-21    <sup>d</sup> 11.31 Jos 2.1-21; 6.22-25    <sup>e</sup> 11.32 Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kiñ 2.11; 1 Sml 1.1-25.1    <sup>f</sup> 11.33 Dan 6.1-27    <sup>g</sup> 11.34 Dan 3.1-30    <sup>h</sup> 11.35 1 Kiñ 17.17-24; 2 Kiñ 4.25-37    <sup>i</sup> 11.36 1 Kiñ 22.26-27; 2 Hist 18.25-26; Jer 20.2; 37.15; 38.6

<sup>37</sup>J Tosatnji kötnönj engugetka kömuget. Tosatnji segenönj mitim engigetka yahöt aket. Tosatnji bingö sou ketanji mianjön engugetka kömuget. Tosatnjan lama silenji aka meme (nonij) silenji mianjön opo ewö löngöta lan anda liliköget. Mewö wanapnji töhön aketka sesewerowero aka kahasililij lan mem engigetka malget. <sup>38</sup>Suepkö aködamunjinambuk aka gölmegö ahakmeme bölöngan-göra mötketka qahö dop köl engiiga mianjören qahö toroqeget. Qahö toroqeba lan liliköba gölme qararankölkölne anda kaba kundunji kundunji öngöba eta banjet me gölme titingit urune ahöba malget. Mewö.

<sup>39</sup>Ambazip kösohotnjini jizali, körek mi mötnaripnjinan nam köl engiiga urunjini melengetka Anutunönj engehi dop kölga jim ölöwak engiiga malget. Mewö malgetmö, mi töndup Anutunönj oyaenköyaen qainnji kun nengimapkö keu jöhöi ahözawi, mianjören yengjörenök kunön kun mönö qahö angorök. Qahö! <sup>40</sup>Anutunönj i nanjinök qahöpmö, mönö nembuk mohotne aködamuninambuk ak teköbingöra mötza. Mewö möta mianjöra oyaenköyaen qainnji kun nengii miwiknaibingö keu arenji ali ahöza. Mewö.

### **Anutunönj iwi aka mindingöm nengimakza.**

**12** <sup>1</sup>Ambazip kambu keta bölökni mewöngan mötnaripkö könanji nangöba jiba kousu ewö liliköm nengiba kinjei, mi mötzin. Mianjöra nenön mewönganök mönö lömbötnini pakpak aka singisöndok awamnanök köpeim nengimakzawi, mi gilin anma. Anutunönj nini mötnaripkö bimni qeba Satan luhut al wangibingö arenji ali ahöza. Mianjöra malmal sutnji ki malagun kömumbini, sutnji mi mönö aongit tandök kapañ köla bim qeba ösumninan anbin. <sup>2</sup>Jisösnönj mötnaripnini mem letori ahui mem qarui köhöiba aködamunjanambuk ahakzawi, Tonji mi mönö jeninan uba törörök ehakin. Yanön ölop toroqeba Suep mire mala söngaibawakmö, mi mosöta eta mianjö salupne sihimbölö mörök. Maripomnönj kegwek-kahasililij ewö kömumamgö gamu möta qahö tököyökmö, mi qenjaröknönj möta mökösonda kömuyök. Kömumba Anutugö jakömbuak dum tatatnönj öngöba böröni ölne tatza.

<sup>3</sup>Singisöndok ambazip yanön mewö tuarenjon ak wangigetka sihimbölö möröhi, enön mönö i mötmöröba malme. Sörauba löwöröba urueret aka kinda mötnaripnjini aka jörömqörömnini mosötpepuköra mönö mewö ahakne. <sup>4</sup>Singisöndok akinbuköra aum-möröba bim qeba malgetka mianjören singisöndokö Tonjan mönö sepgwörörök (gulibambam) qahö enguyök. <sup>5</sup><sup>k</sup>Iwinönj nahönböratuwanji yengöra qambañ keu engizawi, Anutunönj mianjö dop keu kun engöra kewö jiiga mönö mi ölum engui malje, “O nahöni, Kembunönj mindingöm gihimakzawi, mianjöra mönö

<sup>j</sup> 11.37 2 Hist 24.21    <sup>k</sup> 12.5-6 Job 5.17; Qam 3.11-12

mötnönga silebile kude akña. Keu jim gihiiga miangören mönö urueret kude aka malman.

<sup>6</sup> Kembunöj ambazip jöpaköm engimakzawi, ia mindingöm engimakza. Ambazip morö ewö engömemba köyan köl engimakzawi, mi körek kömbinöj engumakza.”

<sup>7</sup> Morö kun iwiñan qahö mindingöi lañ malbawak, mewö mönö yangö moröñi qahö akawak. Miangöra Anutunöj injini nahön-böratñi ewö tandök ak engimakza. Miangöra lömböt engii mi mönö mindingöm engimapkö tandök mötmöröiba möta mökösongda dingiba malme.

<sup>8</sup> Anutunöj nahönböraturopñi pakpak mindingöm engimakzawangö dop injini qahö mindingöm engibawak ewö, mönö yangö nahönböraturopñi ölni qahö akeak. Mewö mönö iwi qahö wilin morö (bastet) akeak.

<sup>9</sup> Keu mi kunbuk kewö jimam: Gölmegö iwininan mindingöm nengigetka yengöra göda qem engiba malin. Silegö iwininan korembiñi akzemö, uruninangö Iwininan mönö ölni aka öngöngöñi akza. Miangöra mönö yangö keu bapñe anda dingiba mal köhöininga dop kölma.

<sup>10</sup> Silegö iwininan mönö nanñini mötmötñinangö dop kapañ köla gölmenöj nalö töröpñi malbingöra aka mindingöm nengiba malakze. Yengön mewö malakzemö, Anutunöj mönö tök kutum nengii yangö dop sarakñi akingöra aka mindingöm nengimakza. Mewö aka ölna ölöwaka oyaenköyaen akingöra mötza.

<sup>11</sup> Kunöj mindingöm nengiiiga nalö miangörenök mönö sösönggai tandök qahö ahakzinmö, wösöbirik sihimbölöngambuk mörakzin. Keu mi ölnapmö, miangö ölnan mönö könangep kewö asuhuma: Anutunöj ambazip mewö mianön köl gulim engimakzawi, yengö ahakmemenjanan dingiiga luai qem engii möta malme. Mewö.

### **Qambañ aka galöm meme keu tosatñi**

<sup>12</sup> <sup>l</sup> Miangöra “awötñini teköi böröñini lömböröiba söroräuba kinjawi, mi mönö memba wahöta mindingöme. Tambuñini jula siminñini suljawi, mi mönö mem köhöime.” Buña keu kun mewö ahöza.

<sup>13</sup> <sup>m</sup> Kekporörökñambuknöj (kereporikñambuknöj) töwölatiba eta qeiga könajan sula bölim teköbapuk. Keu miangö dop alañini angösirip kude ak wangimemö, mönö ölöwakñapköra kapañ köla malme. Buña keu kun kewö ahöza, “Köna tiba anangö könajini mönö mem qölöleigetka diñdiñi akñe.”

Keu miangö dop mönö uru ölöwak qem anguba malme.

<sup>14</sup> Ambazip körek yembuk luainöj urumohot malmegöra mönö köhöiba kapañ köla malme. Kunjan malmal sarakñi qahö miwikñaimawi, mönö öne Kembu qahö ekña. Miangöra Anutunöj mem sarahim engimapköra

<sup>l</sup> 12.12 Ais 35.3    <sup>m</sup> 12.13 Qam 4.26

mönö kapan köla kinme. <sup>15</sup> "Kunöŋ Anutugö kalem möriamŋi oŋgita qahö buŋa qem aŋgubapuköra mönö galöm mem aŋguba malme. Nene nupnön siriuret kömbukŋambuk mi jalöŋinambuk qözölmakzin. Miangö dop uru mötökömbukö könäŋi pakpak mi qeapköme. Qahö qeapkögetka mianjön qariba kota eŋololon mem eŋgii gwötpuk eŋgö uruŋinan tölöhobapuk.

<sup>16</sup> "Mewöyök kunöŋ kaisero akapuk me Iso (Esau) ewö aŋgöjörakŋambuk malbapuköra mönö galöm mem aŋguba malme. Isonöŋ morönahön mutukŋi ahöhangö börösamot toŋi ahökmö, keu mi nene indim mohot nemapköra aka qeapköyök. Qeapköiga munŋi Jeikobnön börösamotkö keuŋi mi nene mianjön bohonŋi memba buŋa qem aŋguyök. <sup>17</sup> "Könaŋgep jöhöjöhö keuŋirangö dop asuhui Iwiŋangö kötümötuetŋan mönö Jeikob qakŋe öŋgöyök, mi mötze. Mewö öŋgöi Isonöŋ kötümötuet mi buŋa qem aŋgumamgö möta uleta sahöri imbilŋan erök. Mewö kapan köla ulerökmö, töndup keu munŋambuk jöhöyohori, mi utekömamgö köna kun qahö miwikŋaiyök. Miangöra morö mutukŋangö kötümötuetŋi mi buŋa qem aŋgumamgö mörökmö, miangöreŋ qaköba osiyök.

<sup>18</sup> "Mönöwök Israel könagesö yeŋön Sainai (Sinai) kösutŋe kaba kingetka kundunŋi mianjön könöp bölamnön jeyök. Jeba köwak-köwak eta panaman meiga raidimbom qeiga Anutunöŋ miangöreŋ yembuk jöhöjöhö areŋ ahök. Sainai (Sinai) kundunŋi mianjön börönön oseibinangö dop akzapmö, eŋön kundunŋi mewö miangö kösutŋe qahö kaba malje. <sup>19</sup> Anutunöŋ jöhöjöhö areŋi mi Sainai kundunŋe kewö ahök: Garataurupŋan tömun qainŋi kun ugetka aŋgötömualŋi azöŋda kaiga keu köhöikŋi jiyöhangö kourukŋi mötket. Mi möta keu mewöŋi kunbuk kude jii mötmegöra uletket. Eŋön kundunŋi mewö miangö kösutŋe qahö kaba malje. <sup>20</sup> "Anutunöŋ keu köhöikŋi jiba kewö jim kutum eŋgiyök, "Kunŋan kun ambazip me bau sömbup kunöŋ kundunŋi mi oseima ewö, i mönö kötnön qegetka kömuma." Mewö jim kutum eŋgiiga keu mi wuatängöbingö möt lömböriba osiget. Miangöra keu kunbuk kude jimapköra uletket. <sup>21</sup> "Yuai kanjamŋambuk kötökŋi mi uba eketka Mosesnön kewö jiyök, "Ni mönö kengötni möta jönömnü undui kinjal."

<sup>22</sup> Eŋön mewö qahöpmö, mönö uruŋini meleŋda Zaion kundunŋi dopdowiba kaŋgota malje. Anutu malmal Toŋangö sitiŋi qetŋi Jerusalem Suepnöŋ ahözawi, miangöreŋ garataurupŋi ten tausenŋi ten tausenŋi yeŋön kambuŋi kambuŋi köla unduba sösongai ahakzei, eŋön mönö siti mi dopdowiba malje.

<sup>23</sup> Mutuk ahuahü dölökŋi ahuba urumeleŋ könagesö aketka qetŋini malmalgö buknöŋ ohogetka Suepnöŋ ahözawi, eŋön mönö yeŋgö kambuŋini toroqeba malje. Anutunöŋ ambazip körek neŋgö keunini

<sup>n</sup> 12.15 Dut 29.18   <sup>o</sup> 12.16 Jen 25.29-34   <sup>p</sup> 12.17 Jen 27.30-40   <sup>q</sup> 12.18-19 Eks 19.16-22; 20.18-21; Dut 4.11-12; 5.22-27   <sup>r</sup> 12.20 Eks 19.12-13   <sup>s</sup> 12.21 Dut 9.19

kewöta jim tekōmakzawi, eñön mönō bemnini yambuk toroqeba malje. Anutunōñ ambazip solanji mem letot engiiga akōdamunñinambuk aka kōmugeri, eñön mönō yengō uñaninambuk toroqeba malje. <sup>24</sup>‘Eñön jōhōjōhō areñ dōlōkñangō galōmñi Jisōs yangōreñ kaba yambuk qekōtahōba kinje. Yanñon sepnan qewōsahōi engōmirimakzawi, mönō malmal mewōñe kangota malje. Abelnōñ sepnji mokoyōkmō, Jisōsgō sepnan Abelgō sepnji ongita keu akōdamunñambukō mungemñi akza.

<sup>25</sup>“Mutuk azi kunōñ gōlmenōñ mala Anutugō keu jitsihitñi ambazip indel engiiga gwōtpukñan mi mōtpingō tōkōgetka Anutunōñ likepnji meleñni qakñine öngōyōk. Yenñon miangōrenōk kōk albingō osiget ewō, neñon mönō denōwō kōk albinak? Nalō kewōñe alanini kunōñ Anutugō keu jitsihitñi Suepnōhōk indela jimakzawi, nini i nōnōñgan aka mosōtzin ewō, mönō lömbōtnōhōk kōk qahōpmahōp albin. Qeqetalninañgō likepnji mönō öñja qaknine öngōmapkō mōtzin. Miangōra kunñan sañep qei mōtzei, eñön keu mi mōtpingō kezapōlōk kude akñe. Kezapōlōk malbepukōra mönō galōm mem anguba malme.

<sup>26</sup>“Mōnōwōk keunji jiiga mōtketka gōlme utukōba memenjaliyōkmō, kezapqetok keunji kun jiba jōhōiga nalō kewōñe kewō ahōza, “Nalō kungen dumñe kunbuk gōlme utukōba memenjalinam. Gōlmeyōk qahōpmō, yuai akiga suepnōñ mewōyōk utukōma.” <sup>27</sup>Keu mewō ahōzapmō, “Nalō kungen mönō dumñe kunbuk” jizawi, keu miangō kōnañi kewō: Anutunōñ öroyuai miwikñaiiga ahōzawi, miangōnōk mönō utukōba utekōmapmō, Suep mirigō öroyuai qahō utukōmawi, miangōn mönō kin kōhōiba ahōm öngōma.

<sup>28</sup>Neñon bemtohoñ qahō utukōmawi, mia buña qem anguba kinjin. Miangōra mönō “Anutu saiwap!” jiba mewō miangōn waikñi memba möpōseiba uru ölöwak mem wangimakin. Mi jitñi ongipinbukōra kengōtnini mōta aka gödañi qeba malbin. <sup>29</sup>“Nengō Anutuninan mönō kōnōp bōlam ewō akza. Miangōra nengohoi sihimbōlō mōtpinbukōra mönō kengōt mōtmōt qakñe göda qem wangimakin. Mewō.

### Qambañ keu tetekōñi

**13** <sup>1</sup>Urumelenj alaurup nanñini mönō jōpakōm anguba malme. <sup>2</sup>\*Kian ambazip sutñine kamei, mi mönō kōyan kōl engigetka kōisirik miwikñaimakñe. Mewō akingō mönō kude ölum engumakñe. Tosatñan mewō akeri, miangōn Suep garata tosatñi qahō mōt asariba mohot kōl örōm engigetka miriñine malget. <sup>3</sup>Tosatñan kōsō mire maljei, mi mōtmōrim engimakñe. Nanñinak yembuk gwarōhōm engigetka malbeak tandōk mōta mönō i mōtmōrim engimakñe. Tosatñi ak bōlim

<sup>1</sup> 12.24 Jen 4.10    <sup>2</sup> 12.25 Eks 20.22    <sup>3</sup> 12.26 Hag 2.6    <sup>4</sup> 12.29 Dut 4.24    <sup>5</sup> 13.2 Jen 18.1-8; 19.1-3

engigetka miangö sihimbölöni mötzei, mi mönö nanjnak mewö malbeak ewö möta mötmörim engimakje.

<sup>4</sup>Ambazip qesabulum aka serowilin akzei, Anutunöj i jim teköm engima. Miangöra körek enjön mönö awanöm malmal göda qegetka sarakni aiga awanöm sutjire tötekqötek töwötji kun qahö ahöma.

<sup>5</sup>Anutunöj nanjak keu kun kewö jii ahöza, “Nöjön mönö nalö kunöj qahö gömosöta andö guhumam.” Keu miangöra aka ahakmemenjanan membagun membingö nepaqepalok kude köpösöngömakjemö, yuai ahöm engizawi, miangöra mönö mötket dop köl engiiga sösönggaibuk malme.

<sup>6</sup>Mewö möta ölop ewebibininambuk saitingit kinda kewö jiba malbin, “Kembunöj baukbaukni aiga gölme ambazipnöj ayuhum ningimeangö dop qahö akze. Miangöra kengötni kun qahö möta maljal.”

<sup>7</sup>Galömurupjanan Anutugö keu jiget mötkeri, i mönö mötmörim engiba malme. Ahakmemenjan denöwö aka megetka malmaljanan teköyöhi, mönö mi mötmöriba mötnaripjanangö silikjini wuatangöba malme.

<sup>8</sup>Jisös Kraist utekutekji qahö. Mutuk malöhi, miyök merak malja aka nalö teteköji qahö mal öngöma. <sup>9</sup>Kalem möriam toroqeba buja qem anguinga urunini mem köhöiiga ölöwahakjapmö, nene nemingö silikji mi me mi miangön mönö urunini mem köhöimapkö osimakza. Tosatjan nenegö döngizizin könañi könañi wuatangögetka ahakmeme miangön mönö qahöpmahöp bauköm engiiga pöröpköyök. Miangöra tosatjan döngizizin murutji murutji ambazip kusum engimakzei, enjön mönö keu mi mosötme. (Silikö keunöj mönö janjuj kude ak engima.)

<sup>10</sup>Jöwöwöl ohoho alta qainji kun mi nengören ahöza. Gölmenöj opo seri jikegö nup memakzei, yenjön jöwöwöl qainji kun miangö bahöji memba nemingö osimakze. Anutunöj yengöra keu mewö qahö jim teköi ahöza. <sup>11</sup>“Gölmegö jike nup galöm bohonjan kinda ambazip singisöndokjini köl könjöratmapköra aka sömbup qeba sepji memba jike oleni töröji kötökji miangören öngömakzapmö, sömbup ölni mi memba miri qandak maljei, miangö sel yaigepje anda miangören ohogetka jeba ayapkömakze. <sup>12</sup>Miangö dop Jisös mewöyök könagesöurupji nanji sepjan mem sarahim engimapköra aka siti selgö nangu yaigepje qegetka sihimbölö möta kömuyök.

<sup>13</sup>Miangöra miri qandak<sup>b</sup> maljini, nenjön mönö miangö sel yaigepje anda Jisösgören toroqebin. Yangöra aka mepaqepaik ak nengimakzei, mönö mi bisiba malbin. <sup>14</sup>Mi kewögöra: Siti teteköji qahö ahöm öngömawi, mi gölmenöj qahö ahöm nengizapmö, siti könangep asuhum nengimawi, mi ekingö mönö jaram tiba maljin. <sup>15</sup>Miangöra mönö qösösök Jisösnöj nam köl nengiiga Anutugöra möpömpöpösei naluk ala

<sup>y</sup> 13.5 Dut 31.6, 8; Jos 1.5    <sup>z</sup> 13.6 Sum 118.6    <sup>a</sup> 13.11 Lew 16.27    <sup>b</sup> 13.13 Gölmenöj kusus maljini, miangö qetji qandak.

malbin. Jisös qetņi möpöseimakzei, yengö numbu jitņinanğö ölğan mönö Anutugö nalukņi akza. <sup>16</sup>Yuai ahöm engizawi, mi menderņ anguba mem ölöwak angumakzei, miaņön mönö Anutugö nalukņi kun akza. Anutunöņ naluk mi ehi uruņan ölöwahiga dop kölakza. Miaņğöra mewö akņegöra mönö kude ölum engumakņa.

<sup>17</sup>Galömurupņini mönö tem köl engiba kukösümņini bapņe anda malme. Nup megeraņğö kösohotņini Anutugö jeņe almei, yeņön mönö miaņğö tandök engeka uruņini galöm kölakze. Yeņön nupņini mi urulömböt qakņe membepuk. Miaņön iņini qahö bauköm engibawak. Miaņğöra mönö keuņinanğö bapņe anda malgetka sösöņgai qakņe nupņini megetka dop kölma.

<sup>18</sup>Mönö neņğöra aka Anutu köulukömakņe. Yuai pakpak miaņğöreņ ahakmeme qetbuņaņambuk akingö sihimņi ahöm neņgiiga Anutunöņ neņgeka “Dop kölja,” jiiga urukezapņinan möringa ölöwahakza. Keu mi möt yaközin. <sup>19</sup>Nöņğöra köulukömakņegöra mönö kapaņ köla kewögöra kuņgum engizal: Iņini köulukögetka Anutunöņ nalö qahö mem köriiga ölöwaka ölöp kunbuk engöreņ kamam.

#### **Kewö köulukömakzin:**

<sup>20</sup>Jisösñöņ kömuyöhaņğöra aka lama galöm qetbuņaņambuk aka malja. Sepņi mokoba miaņğö mungem silimbanņan Anutugö jöhöjöhö areņi qekötahöba mem köhöiiga nalö teteköņi qahö ahöm öņğöma. Anutunöņ Kembunini mi mem guliiga kömupnöhök wahöta köhöiba malja.

<sup>21</sup>Anutu luai Toņan mönö inahöm engiba jitsihitņaņğö dop aka memba malmegö aködamunņi pakpak engimakņa. Mewö ölöp köhöiba nup ölöpņi kōnaņi kōnaņi memba malme. Yaņön mönö möwölöhöba kuņgum engiiga Jisös Kraistköreņ naņğöba malmal Anutugöreņ dop köljawi, mewö malme. Kraistkö qetbuņaņi mönö nalö dop möpöseininga nalö teteköņi qahö aködamunņambuk ahöm öņğöma. Keu mi ölņa.

#### **Keu teteköņi**

<sup>22</sup>O urumeleņ alaurupņi, nöņön kewö qesim engizal: Buņa Kimbi töröpņi kiyök ohom engizal. Miaņğöra andö qambaņ keuni ki mönö kapaņ köla buņa qem angume. <sup>23</sup>Buzup ki mötme: Urumeleņ alanini Timoti i kösö mireyök pösatketka erök. Ösumok ki kaņgotma ewö, mönö yambuk kaba eņgekit.

<sup>24</sup>Yaizözköke keuni albiga galömurupņini pakpak aka Anutugö ambazip sarakņi körek yeņğöra jigetka mötme. Itali alaurupņinan yaizözkökeņini algetka engöreņ kaza.

<sup>25</sup>Anutugö kalem möriamņan mönö körek embuk ahöm öņğöba ahöma.